

ELEMEN- ta Arithmeticae,

AC GEOMETRIAE,
*ad disciplinas omnes, Aristoteleam
praesertim Dialecticā, ac Phi-
losophiam apprimè ne-
cessaria, ex*

Euclide decerpta: Petro Monçono
Valentino autore.



VALENTIAE,

Ex typographia Ioannis Mey.

1559.

ET. E. M. E. N.

ca. V. d. d. d. d. d.

ca. V. d. d. d. d. d.

ca. V. d. d. d. d. d.

ca. V. d. d. d. d. d.

ca. V. d. d. d. d. d.

ca. V. d. d. d. d. d.

ca. V. d. d. d. d. d.

ca. V. d. d. d. d. d.

Petrus Monço

NUS G E N E R O S O

ac Illustri Ximeni Perezio

à Calatayu, S. P. D.



VM hæc Arithmeti-
cæ ac Geometriæ ele-
menta absoluissem, ac
de his, vt mos est, dicā-
dis mecum cogitarem, tu mihi pri-
mus omnium statim occurristi, sin-
gulare decus Valentinæ nobilitatis,
qui hoc muneris, qualecunq; id ef-
set, tibi quasi tuo iure vendicares.
Nam quanquam commemorare
possem non paucos, qui mea opera
& industria in liberalibus discipli-
nis perdiscendis vñ sunt, te tamen
primum ego ab ipsis penè incuna-
A 2 bulis

bulis instituendum, atq; informandum suscepi, primus ex me, cū ipso propemodum lacte, literarum elementa bibisti. Quam ob rem primos hos foetus, & eorum, quæ in lucem edere in Dialecticam, ac Philosophiam Aristotelis constitui velut fundamenta, ad te pertinere, ac tuo nomini iure optimo consecranda esse, sum arbitratus. Accedit & alia quoq; causa, quæ me, vt id facerem, adhortata est: quòd intelligam te miro quodam literarum, ac bonarum artium studio incensum esse, & ex omnibus, nullas magis nobilem adolescentem, maiorum splendore, potentia, opibus, innumeris & corporis & animi dotibus nulli secundum decere, quàm disciplinas Mathematicas. Quæ præterquàm
quod

quod absq; improbo illo labore, quem aliæ desiderant, perdiscuntur, qui solet homines innumeros, & tui præsertim ordinis, ab studio literarum auocare (certissimæ enim sunt & à contentionibus, rixosisq; disputationibus longè alienæ, nec spinosis præceptionibus torquent auditorum animos) magna cum voluptate sciuntur, & domi, foris, in vrbe, in agro, nauigati, priuato, cum potestate degenti, locis deniq; omnibus, & temporibus firmissimo sunt præsidio, & singulari ornamēto. Ad hæc cum sint per vniuersam Philosophiam latissimè fusæ, cognitæ ad disciplinas omnes viam amplissimam sternunt: ipsis verò neglectis omnis ad scientiam aditus intercluditur: Quibus omnibus de causis hæc A-

E P I S T O L A

rithmetica & Geometria, quæ in Mathematicis principem locum tenent, qua potui breuitate & facilitate ex Euclide decerpere curauit, ut cum disciplinis Philosophicis animum istum tuum, in quo innumeræ virtutes enitent, excolere cœperis: cuius rei desiderio te flagrare vehementer intellexi, ex horum cognitione proximam ad eas viam habeas, & cōpendariam. Et ne alij horum fructu priuētur, quem spero maximum fore atq; vberimum, ad communem omnium studiorum vsum hæc ipsa in lucē edere tuo nomine decreui, teq; eorum tanquā patronū & tutorē constituere: ut quod opus tibi potissimum scriptū est, id ipsum tui nominis præsidio ab inuidorum obreſtationibus tutum appareat. Vale.

P E T R V S M O N.⁴
conus candido lectori, S. D.



Cum publicè Aristotelis libros de
Dialectica ac Philosophia in hac no-
stra Academia Valentina interpre-
tarer, lector optime, in quo munere
obeundo, ut communia adolescentiæ
iuuarem studia, non dubitavi bonam ætatis partem
consumere, summa ope nitebar, Mathema. exempla,
in quibus frequens est Aristoteles, qua poterã dex-
teritate explicare: adhibebam quicquid in me erat
artis & operæ, quòd intelligerẽ obscurissimis qui-
busq; his maximam lucem afferri, & horum igno-
ratione in locis Aristlo. non paucis ac scitu dignis,
ueram rei intelligentiam desiderari. Sed (fateor
ingenue) inani me labore torquebam, quòd non sine
magno auditorum incommodo fieri, sæpe sum ex-
pertus. Cum enim in more positum sit, ut adolescen-
tes, nullam in perdiscendis artibus ordinis rationem
sequuti, magna temporum iactura, & studiorum di-
spendio, nõ tam sua ipsorum culpa, quàm eorum, qui
illas sic publicè profitentur, ad Aristoteleam disci-
plinam Mathematicis disciplinis ne à limine quidẽ
salutatis, accedant, quid mirum si exactissimas, ac
proinde difficiles Geometriæ demonstrationes, quæ
plerunq; solent exercitatos admodum uehementer
torquere, non assequantur? Quid quòd differendi ra-
tio innumeris referta præceptionibus, Aristotelis
scripta uarijs obstructa difficultatibus distrahi au-

ditorum animos in plura studia non patiuntur. Et
 (ut ait Fabius) angusti oris uascula superfusam hu-
 moris copiam respuunt, quā suscipiunt facile, si pau-
 latim instillaueris. Hæc cum uersarem animo sape,
 & intelligerem planè retardari iuuenum studia, ac
 expectatam inde utilitatem magnā ex parte impedi-
 ri, ad intermissum laborē Aristoteleæ lectionis nunc
 denuò eo animi consilio redire constituens, ut quic-
 quid Dialecticæ ac Philosophiæ studia ab ineunte
 ferè ætate suscepta homini paulò uigilanti contule-
 runt, id totum studiosis harum disciplinarum cultoribus
 candidè impertiar. Decreui iterum ad eundē
 lapidem non offendere, sed ita me gerere in hoc Phi-
 losophiæ decursu, ut ad eam, quam certò scio ueteres
 Platonē, Aristotelem, & alios omnes tenuisse docen-
 di rationem proximè accedam, & Aristotelis scrip-
 ta, quæ difficilima hætenus uisa sunt, hac methodo
 tradita quàm minimo labore doceantur. Excerpti
 itaq; ex Arithmetica & Geometria Euclidis ea om-
 nia, quæ ad plenam perfectamq; Aristoteleæ disci-
 plinæ intelligentiam mihi facere uisa sunt, quorum
 in Dialecticis & uniuersa Philosophia frequētissi-
 mus est usus. Scio alia præterea esse multa, ad utrāq;
 artem pertinentia cognitu dignissima, & utilitatis
 non contemnendæ: sed nec omnia persequi artibus tā
 late patentibus inclusa nostri erat instituti, & qui
 elementis his nostris instructi fuerint, uia ad libros
 Aristotelis (quod mihi in primis curæ fuit) & ad
 Euclidis opera habituros paratissimam speramus.
 Accipe igitur, amice lector, hanc mei erga te amo-
 ris

ris non obscuram significationem: & hunc laberem
boni consule: quem si probari tibi intellexero, inge-
nuè spondeo in rebus omnibus, quibus iuuari posse
communia studia cognouero, meam operam nunquā
defuturam. Vale.

¶ Quæ sequuntur continet Arithmetica institutio.

Cap. 1. Quid Arithmetica, & ad ceteras quo-
pacto affecta sit, atq; ad eam quomodo refferenda
sit Logistica.

Ca. 2. Quæ & quot sint Arithmetica principia.

Cap. 3. Quid unitas, quid numerus, & ex quibus
partibus constet.

Cap. 4. De prima diuisione numeri in parem &
imparem.

Cap. 5. De diuisione paris numeri in pariter pa-
rem, pariter imparem, & impariter parem.

Cap. 6. De alia paris numeri diuisione in perfe-
ctum, mutilum, & superfluum.

Cap. 7. De diuisione imparis numeri in primum
& in compositum, secundum seu compositum, compo-
situm per se, ad alios autem relatum primum & in-
compositum.

Cap. 8. De proportionibus, quid sit proportio,
& quæ aptè comparentur.

Cap. 9. De diuisione proportionis in Rationa-
lem & irrationalem.

Cap. 10. De diuisione proportionis rationalis in
eam quæ maioris inæqualitatis dicitur, & minoris.

Cap. 11. De diuisione proportionis maioris in
æqualitatis, & formis eius primis multiplici, super-
particulari, & superpartiente, & quæ his subij-
ciantur.

Cap. 21. Quiuis numeri propositi quo pacto in
extrema redigantur, hoc est, minimos numeros ean-
dem seruantes proportionem

Cap. 13. De Numero accommodato figuris, &
quòd triplex sit eius forma, linearis, plana, & solida.

Cap. 14. De comparationũ habitudine quæ Ana-
logia dicitur, quid sit, & quas habeat differentias.

Cap. 15. De tribus Analogiæ formis Arithme-
tica, Geometrica, Musica.

Cap. 16. De sex alijs Analogiæ formis ex quin-
to Euclidis.

Dignitates Arithmetica, & postulata.

Demonstrationes decem ex libris Arithmeti-
cis Euclidis decerptæ, ad Aristoteleam disciplinam
pernecessariæ.

Q V I D⁶

Arithmetica,

& ad cæteras quo pacto affecta
sit, atq; ad eam quomodo
referenda sit Lo-
gistica.

Cap. I.



*Mathematicæ omnes cir-
ca quantum versantur
molis, aut numeri. Pri-
mæ omnium sunt, ac sim-
pliciſsimæ Arithme. & Geometria:
quæ in hoc genere puræ, ac ſynceræ
nomē illud iuſtè, ac legitimè retinēt.
Continent ſe ſolæ intra ſuos fines, &
cū vim maximam, ornamētūq; plu-
rimum*

rimum ceteris impartiantur, suis
 ipsa stant firmamentis, aliena ope
 non indigent, ex alijs nil omnino ca-
 piunt praesidij. Quae harum sunt pro-
 pria, cum in aliud genus transferun-
 tur, & rebus sensilibus accommodan-
 tur, formas artium procreant mediae
 cuiusdam naturae: sed quae in Ma-
 thematicarum numero soleant habe-
 ri. Geometria in caelum sublata A-
 stronomiam efficit, visibilibus addita
 οὐρανόφρων. Arithmetica sonis admista
 dedit Musicam. Porro quam ratio-
 nem habent duae illae primae ad cete-
 ras, eandem obtinet Arithmetica Geo-
 metria comparata. Est enim ordine
 prior, & dignitate praestantior: qua
 sublata, labefactari alias omnes est
 necesse, ut nec nomina, nec fines suos
 tueri commodè possint. Unde autem di-
 eta

Et a sit *Arithmetica*, satis est per spicuum à numeris enim dictam esse, perinde atq; *Grammatica* à literis, ex ipsa nominis ratione satis constat. Hæc, ut & reliquas, quæ huius sunt generis, duas partes complecti *Theoreticæ*, & *Practicen*, à multis receptum est: è quibus eam, quæ est de numerorū proprietatibus, *Theoreticen* dixerunt, quam verò *Plato* in dialogo de *Iusto λογιστικῇ* appellat. *Arabes* *Algorithmum*, quæ ars est computandi, ad multa quidem utilis, sed faciliior, ac breuior, quàm ut inter liberales artes recipi debeat, *Practicæ*. Quæ diuisio non vsque adeò ratione nititur, & caret veterum autoritate. Nam *Euclides*, qui *Arithmetica* primus certa methodo tradidit, nusq; huius posterioris meminisse visus est, & *Seue-*

& Severinus Boëtius, qui inter Latinos hanc artem copiosissimè scripsit, quæ ad spectatiuam pertinent, solum persequi videtur. Deinde in alijs disciplinis ea pars, quæ intra cõtemplationem subsistit, est velut preparatio operis, practica verò executio: ita altera in alteram quodammodo refertur. Verùm Arithmetica, quæ inspectionis est, seu contemplationis, ad Logisticam nulla ex parte respicere videtur. Verius igitur forsitan hæc ad Arithmeticam non aliter pertinere censebitur, quàm ad Geometriam optice, aut stereometria. Nos ex illa, quæ verè scientia est, & in omnes eas, quæ artiũ nomine celebrantur, quàm latissimè funditur, decerpemus ea duntaxat, quibus ad Aristoteleam disciplinam plenè intelligendam adolescen-

lescentes paratissimi reddatur. Hæc
verò diffinire licebit scientiam, quæ
vim numerorum atq; naturam per-
pendit, & omnes eorundem affectiones
certissimis commonstrat rationibus.

De varijs Arithmeticæ prin-
cipijs. Cap. II.

A Rithmetica, quemadmodum &
reliquæ artes omnes, suis constat
principijs tanquam firmamentis, qui-
bus totius disciplina moles nititur: ut
his sublati, corruere vniuersa sit ne-
cessè. Principiorum autem duplicem
esse differentiam placuit Aristoteli,
compositorum, & simplicium. Simpli-
cia sunt, diffinitiones, quas in omni
disciplina cognitæ esse oportere, nemo
est, qui ambigat. Compositorum duo
sunt genera, alia axiomata vocantur,
seu

seu communes sententia, vsque adeò
 perspicua, vt cuius, vel ex sola vocum
 significatione citra vllā docentis ope-
 ram constare possint: Alia postula-
 ta, certa illa quidem, & ex se ipsis fi-
 dem habentia, sed quæ præceptoris o-
 peram desiderent, vt intelligantur.
 Ac sunt illa quidem satis multa, sed
 quæ nobis futura sunt vsui hîc tan-
 tùm apponenda duximus.

Quid vnitas, quid numerus, & de
 eius partibus. Cap. III.

VNitas, omnis numeri principiū
 est & mensura. Nā vt res alias
 numero metimur, ita numeros vnita-
 te. Est autem vnitas, qua vnumquodq;
 vnum dicitur. Numerus est multi-
 tudo ex vnitatibus composita. Quod
 ad numeri naturam attinet, cū su-
 periora

periora petimus, in infinitum pro-
 gredimur. Nam cōtinuò ubi ad de-
 cem numerādo peruenerimus, super
 eum ab vnitāte numerū reflectimus,
 idq̃ nō toties, quin sapius fieri possit:
 cū autem ad minora descēdimus,
 necesse est in vnitāte cōsistere: ita ma-
 ximus numerus nō reperitur, mini-
 mus est binarius. Est numerus rerū
 discretarū mensura & modus, quē
 admodum Aristoteles ingeniosissi-
 mē dixit. Oportet autē eos à rebus,
 quarum sunt numeri, ad solum inte-
 lectum transferri: hoc enim propriū
 est Mathematicum. Reperitur in nu-
 mero duplex partium differentia,
 quaedam aliquoties sumpta totū nu-
 merum efficiunt, ac metiuntur, quas
 vocant commensurabiles, vulgò ali-
 quotas: ut in quaternario, binarius:

qui bis sumptus quaternariū procre-
at. Alia totum numerū non metiun-
tur. Quod enim ex ductu earum effi-
citur, aut superat, aut minus est: ut
in ternario, binarius, qui semel sum-
ptus minorem gignit numerū, sapius
verò, maiorē. Quis numerus partem
habeat prioris generis, & vnā, aut
plures, hac regula dignoscetur. Qui
in æquos numeros solui potest, partem
habet huius generis: quòd si id semel
contingat, vnā tantū habebit, sin plu-
ries, multas, tot scilicet, quot æquales
numeros continebit: ut quaternarius,
cū in duos binarios, qui æquales sunt,
dūtaxat soluatur, commensurabilem
vnā tantū partem obtinebit bina-
riū. At. 12. cū in duos senarios, ter-
narios quatuor, quaternarios tres,
binarios sex diuidatur, ac proinde

qua

quater in aequales numeros soluantur, ex quatuor partibus commensurabilibus constabit. Ternarius, quaternarius, septenarius, & id genus alij, cum nullam in aequales numeros diuisionem recipiant, unitatem solam partem cōmensurabilem habere censentur.

De prima diuisione numeri
in parem & imparem.

Cap. IIII.

Sūma numeri diuisio est per pares Arist. 4. ca. pite primi Posteriorū & impares. Par numerus est, qui in duas aequas partes diuiditur, ex quibus totus cōflatur numerus: Impar, qui id fieri nō patitur, seu qui in duas aequales partes diuisus medio unitatē habet interuenientē. Pari numero inter alia multa conuenit, ut cū in

ELEMENTA

duas partes secetur, ad quod genus
 una pertinet, ad idem altera refera-
 tur: ut in octonario in duos quater-
 narios diuiso, pars utraq₃ sub pari
 numero continetur. Quòd si in alias
 partes solvatur, ut in quinarium, &
 ternarium, utriq₃ conuenit imparis
 appellatio. Illud quoq₃ inest, ut si in
 parem ducatur alius numerus, siue
 par, siue impar, par oriatur, ac pro-
 creetur. Si enim in binarium. 4. du-
 xeris, octonarius efficitur: si quina-
 rium, denarius, quorū uterq₃ par est.
 Imparem numerum hæc sequuntur,
 quæ prioribus ferè sunt contraria.
 Primò, ut diuisus in partes duas,
 quæ totum conficiant, parem alte-
 ram habeat, alteram imparem: De-
 inde, ut solo impari in eum ducto,
 gignatur impar. Ex ductu enim
paris

paris in imparem, par procreatur.

De diuisione paris numeri in pariter parē, pariter imparem, & impariter parem. Cap V.

Numerorum parium tres sunt species: Prima, pariter par: Secunda, pariter impar: Tertia, impariter par. Numerus pariter par est, qui semper in partes aequales vsq³ ad vnitatem dissolui potest: vt .32. cuius dimidium.16. huius.8. huius.4. huius 2. Hic nascitur ab vnitatem in in finitum progrediens per prioris numeri geminationem, hoc pacto.1. 2.4.8.16. 32.64. qui numeri omnes sunt pariter pares. Huic formæ numeri peculiare hoc est, vt partes omnes eius commensurabiles sint eiusdem nominis, hoc est, pariter pares. Numerus

pariter impar est, qui per maxima di-
 uisus imparium numerorū constituit
 species: vt. 14. Producitur ab impa-
 ribus naturali ordine se consequenti-
 bus, & binario numero geminatis: vt
 1. 3. 5. 7. 9. 11. 13. 15. quorum quisq₃ bis
 sumptus constituit huius numeri for-
 mam. Unde sequitur vnumquenq₃ à
 proximo abesse quaternario, & inter
 precedentem, ac proximè sequentem
 tres numeros interuenire: vt. 2. & . 6.
 intervallo distant trium numerorū
 3. 4. & 5. Impariter par numerus est,
 cuius proximæ partes, tametsi in æ-
 qualia diuidātur, earū tamē partes
 similem diuisionem non admittunt:
 vt. 12. 20. 40. hoc genus cum utroq₃ di-
 ctorum symbolum est. Nam quod ad
 vnitatem simili diuisione non perue-
 nit, conuenit cum pariter impari: &
 quod

quod sepius equalium partium sectionem recipit cum pariter pari. Gignuntur formæ hæ numerorum ex ductu pariter parium in impares. Si enim constituatur series vna imparium numerorum, prætermissa unitate, hoc pacto. 3. 5. 7. 9. 11. 13. & rursum altera pariter parium initio sumpto à quaternario, ad hunc modum 4. 8. 16. 32. 64. 128. & posteriores ducantur in priores, eo ordine, quo descripti sunt, hi producentur. 12. 24. 48. 96. 192. 384. qui omnes sunt impariter pares.

De alia paris numeri diuisione in perfectum, mutilum, & superfluum

Cap. VI.

Parium numerorum, alij sunt perfecti, alij mutili, alij superflui. Per-

Arist. cap.

4. primi

Posteriorum

B 4 fectus

fectus & plenus est, qui partibus proportionalibus intra se cōprehensivus et collectis est æqualis: vt. 6. cuius partes sunt. 1. 2. 3. quæ coniunctæ. 6. efficiunt. Horum numerorum summa est paucitas, quæadmodum & aliarum rerum, quæ perfectæ sunt: intra decem sunt. 6. intra centum. 28. intra mille. 496. Superfluous numerus est, cuius partes proportionales vsq₃ ad unitatem collectæ totum superant: vt 12. Eius enim proportionales partes sunt. 1. 2. 3. 4. 6. quæ iunctæ efficiunt. 16. Diminutus numerus est, cuius partes proportionales compositiæ minus integro reddunt: vt. 8. cuius partes. 1. 2. 4. non amplius quàm septem colligunt.

De diuisione imparis numeri in primum & incompositū, secundū

seu

seu compositum, compositum per se, ad alios autem relatum primum & incompositum. Cap. VII.

Habet impar numerus, quẽ ad- Arist. 4. ca
 modũ & par, formas tres: Pri- piti primi
 mum & incompositum: Secundũ seu Posteriorũ
 compositũ: Tertium compositũ qui-
 dem per se, ad alios autem relatum,
 primum & incompositum. Primus
 & incompositus est, quem sola vnitas
 metitur: vt. 3. 5. 7. Secundus & com-
 positus est, quem non sola vnitas, sed
 alius quoq; metitur numerus: vt. 9. 15.
 21. Secundus & ad alterum primus
 dicitur, cuius per se communis est ali-
 qua mensura, sed relatus ad alterũ
 nullam habet: vt. 9. ad. 25. Metitur
 enim nouenarium solum. 3. Sed si ad
 inuicem illi duo referantur, communi

mensura carent. Nam nullus est nu-
 merus, ex cuius ductu possit uterque
 procreari. *Aristo.* primum numerū
 visus est in duas partes distribuisse,
 in eum, qui altero modo primus est,
 & qui est utroq³ modo primus. Pri-
 mū altero modo vocat, quem sola vni-
 tas metitur, sed cōponunt numeri, cu-
 iusmodi est. 5. qui cū nō habeat aliā
 mensurā ab vnitāte, ex. 3. tamen &
 2. conficitur. Utroq³ autē modo pri-
 mum appellat eum, qui nec mensura-
 tur numero, nec ex numeris cōflatur:
 cuius generis est ternarius, quem ita
 censet esse diffiniendū: Numerus im-
 par, utroq³ modo primus. Est quoq³ in
 numeris paribus hęc differētia, ut sit
 alius primus & incōpositus: alius se-
 cūdus & compositus. Prioris generis
 est solus binarius primus utroq³ mo-
 do

do? Ad partem alteram ceteri omnes referuntur.

✽ De proportionibus, quid sit proportio, & quæ aptè comparentur.

Caput VIII.

DE numero per se sumpto hactenus diximus: Nunc de eodem differendum est nobis, sed alteri comparato. Agere autem de numero ad alterum relato, nil aliud est prorsus, quàm mutuã ipsorum habitudinẽ explanare, quæ à Græcis ἀναλογία, Latinè ratio, vulgò proportio, dici potest. Huius partis utilissima est cognitio, & maximum bonarum artium studiosis præstat adiumentum: ijs verò, qui Aristotelis disciplinam profitetur, apprimè necessaria.

Aristoteles
proportio-
nis memi-
nit in locis
quàmpluri-
mis, tam in
Physi. quàm
in Dialecti-
cis.

Propor

Proportio autem (qua voce, & alijs
 similibus, tamen si parum splendidis,
 utendum est) certa ab Euclide diffi-
 nitur duarum quantitatum eiusdem
 generis, alterius ad alteram habitu-
 do. Hæc non in quãtitate solùm, sed
 in alijs quoq; multis reperitur: ut in
 coloribus, sonis, viribus: sed quæ pro-
 portionem aliquam inter se servant,
 ea quantitatis naturam aut affectio-
 nem participant. Necesse est enim eo-
 rum, quæ sic affecta sunt, alterũ alte-
 ro maius esse, aut minus, aut ei æqua-
 le. Quæ quantitatis esse propria, satis
 fusè explicat in Categorijs Aristot.
 Præterea nulla est inter res alias
 cuiuscunq; naturæ inuenta ratio, cui
 similis in quãtitate non reperiatur.
 Unde factũ est, ut per habitudinem,
 quæ inter quãtitates intercedit, pro-
 por

portionem diffinierit Euclides. Oportet autem ex rebus, quæ comparantur (ut diximus) alteram altera maiorem esse, aut minorem, aut ei æqualem. Hinc fit, ut necesse sit, res huiusmodi ad idem genus pertinere, comparariq; aut duos numeros, aut lineas, aut tempora inter se. Numerus autem linea, aut linea corpori, aut corpus tempori non aptè comparabitur. Hæc enim quæ diuersi sunt generis nec sese inuicem excedere, nec æqualia esse, aptè dici possunt. Ita acutè scripsit Aristote. sub idem genus cadere, quæ comparantur omnia: quod verum esse, & quæ ratione accipi debeat, ex his, quæ diximus, perspicuum euadit.

¶ De diuisione proportionis in rationalē, & irrationalē. Cap. IX.

Disse

Rationalis est, quæ ab aliquo numero denominatur, & inter quãtitates commensurabiles intercedit. Irrationalis, quæ nomen ab aliquo numero non accipit, & in his solùm quantitatibus reperitur, quæ carent communi mensura. Hanc Geometer solus considerat, cuius interest de magnitudine, & formis eius pertractare: Illã Arithmeticus contemplatur, cuius subiectas formas, vt postulat nostri instituti ratio, breuiter persequemur.

De diuisione proportionis rationalis in eam, quæ maioris inæqualitatis dicitur, & minoris:

Cap. X.

NAscuntur pporiones è numero-
rũ inter se relatione, per q̃ alterũ
alteri a q̃lem aut in a q̃lem esse necesse
est.

est. Aequalia in omnibus sunt eiusdem generis: inaequalia aut excessu, aut defectu finiuntur. Proportio itaq; altera aequalitatis dicitur, altera inaequalitatis: Illa inaequalibus reperitur numeris, ut duobus binarijs, duobus ternarijs: simplex & arthoma: Simplici enim ac vno tantummodo contingit numerum vnum alteri equalem esse. Haec in duas partes scinditur, maioris inaequalitatis, & minoris. Habitudinem maioris numeri ad minorem, proportionem vocant maioris inaequalitatis: cum autem minor numerus maiori comparatur, proportio est minoris inaequalitatis. Utriusq; eadem sunt formae, & iisdem vocibus designantur: nisi quod in minori inaequalitate, nominibus maioris additur praepositio sub. Quare

cum

*cum communia serè habeant omnia,
de altera dixisse sat fuerit.*

De diuisione proportionis maioris
inæqualitatis, & formis eius primis
multiplici, superparticulari, & super
partiente, & quæ his subiiciantur.

Cap. XI.

Maior inæqualitas nascitur ex
vnius numeri ad alterum ex-
cessu, quod cum varijs modis contin-
gat, varia inde effecta sunt huiusmo-
di proportionum formæ. Tres pri-
mæ simplices sunt, Multiplex, Su-
perparticularis, Superpartiēs. Duæ
ex coniunctione harum mutua pro-
creantur, multiplex superparticula-
ris, & multiplex superpartiēsis: qui-
bus vocibus, cum non sint commodio-
res inuenta, vtendum est nobis. Nec

C alia

alia est efferendi ratio, nisi in paucis,
 quibus à Græcis nomina posita sunt.
 Multiplex proportio est, quādo ma-
 ior numerus nō semel cōtinet minore,
 qualis est, quaternarij ad binarium,
 9, ad. 3. Huius formæ sunt propemo-
 dum infinitæ, tot scilicet, quot nume-
 rorum, à quibus nomē accipiunt, spe-
 cies: Quarum nomina sunt, dupla,
 tripla, quadrupla, quintupla, &c.
 Dupla est, quando numerus maior
 minorem bis continet, qualem. 8. ser-
 uat ad. 4. Tripla, quando ter, qualis
 est inter. 9. & 3. In cæteris simili-
 modo. Proportiones huius generis,
 inueniuntur omnes, si. 1. qui sequun-
 tur numeri comparentur, 2. reliqui
 omnes, 3. qui ipsi succedunt, seruat
 semper naturali ordine numerorum.
 Unitatem enim. 2. respicit proportio-
 ne du

ne dupla. 3. tripla. 4. quadrupla, & hoc pacto comparatione reliquorum cū vnione. Multiplicis proportionis infinitæ species reperiuntur. Superparticularis est, qua maior minorem, & eius insuper portionem aliquam continet: quæ si dimidiata sit, Græcè $\pi\acute{\iota}\mu\acute{o}\lambda\iota$ & dicitur, à Cicerone sescupla, vulgò sesquialtera. vt. 6. ad. 4. Si præter integrum tertiam minoris partē complectitur, $\epsilon\pi\acute{\iota}\tau\epsilon\tau\alpha\tau\acute{\iota}$ & : Si quartam $\epsilon\pi\acute{\iota}\tau\epsilon\tau\alpha\tau\epsilon\tau\alpha\tau\acute{\iota}$ &, Latine sesquicertia, sesqui quarta, ac deinceps in infinitū, relato maiore ad proximè minorē: vt. 2. 3. 4. 5. 6. secundus ad primum, sescuplus est: tertius ad secundū, sesquicertius: sequens ad istum, sesqui quartus. Superpartiens proportio, qua maior minorē semel cōprehēdit, & plures partes eiusdem nominis cō-

*mēsurabiles, ex quibus fieri vna ne-
 queat maioris denominationis. Par-
 tes cōmensurabiles eiusdem nominis
 intelligendæ sunt, duæ, tertiæ, tres
 quartæ. Pars vltima hoc exēplo in-
 notescet. 10. ad .7. proportionem ha-
 bent. superpartientem: ad. 8. verò su-
 perparticularem. Nam etsi. 10. præ-
 ter. 8. duas octauas contineant, sci-
 licet, vnitates duas: ex his tamen bi-
 narius conflatur, qui quarta pars est
 octonarij. Proportionis huius formæ
 multæ sunt, in infinitum possunt ex-
 crescere. Sumuntur enim ex partium
 commensurabilium numero, qui cer-
 tis ac definitis terminis non claudi-
 tur, & ex eodem nomina trahunt: vt
 superbipartiens, qua maior continet
 minorem, & duas eius partes: super-
 tripartiē, qua continet tres partes:*

super

superquadripartiens quatuor. Harum singulis innumera subiiciuntur species, superbipartienti, superbipartiens tertias, superbipartiens quartas. &c. Supertripartienti, supertripartiens quartas, supertripartiens quintas, supertripartiens sextas, supertripartiens septimas. &c. Eodem modo in cæteris. Quenam autem sit cuiusq; harum ratio, ex ipsis vocibus perspicuum euadit. Duæ aliæ proportionis formæ compositæ sunt: Multiplex superparticularis, & Multiplex superpartiens. Multiplex superparticularis est, quæ maior numerus minorem continet pluries, & partem aliquam commensurabilem: ut 5. ad. 2. Nam binarius bis continetur in quinario, & præterea vnitas, quæ dimidium est binary. Huius species

Dupla superparticularis, tripla superparticularis, quadrupla superparticularis. In prima maior numerus minorem continet bis, & partem unam, quae cernitur in .5. & binario: In altera maior minorem comprehendit ter, & partem itidem unam, qualem seruāt 7. ad. 2. In tertia minor numerus in maiori quater comprehenditur, quae comparatur. 9. ad. 2. & .13. ad. 3. Harum singula diuisionem recipiunt in finitam, ut in finitus est etiam partium commensurabilium numerus: efferunturque omnes compositis nominibus, uocibus formarum multiplicis proportionis, & superparticularis in unum nomen coniunctis, hoc pacto, dupla sesquialtera, dupla sesqui tertia: tripla sesqui altera, tripla sesquitertia, & ita licet in infinitum progredi in huiusmo

huiusmodi formis: Quarum de finitiones constituentur facile, si earum, quas multiplex & superparticularis cōplectuntur, rationes cōiungantur.

Multiplex superpartiens proportio est, qua maior numerus minorem continet plusquā semel, & aliquot præterea partes: vt. 8. ad. 3. 11. ad. 4. Huius species ex formis multiplicis, & superpartietis constantur. Proximæ sunt, dupla superpartiens, tripla superparties, quadrupla superparties: Harū unaquaq; sub se habet infinitas, quæ nascuntur ex infinito partium numero: cuiusmodi sunt, dupla superbiparties, dupla supertriparties, dupla superquadrupartiens: tripla superbiparties, tripla supertriparties. Hæ quoq; singulæ diuidi in alias possunt itidem numero infinitas, hoc modo

C 4 Dupla

Dupla superbipartiens tertias, dupla superbipartiens quartas, dupla supertripartiens quartas, quintas, sextas, in ceteris eodem modo. Nam in immensum produci queunt, & earum omnium rationes facillimum est ex precedentibus elicere.

Quiuis numeri propositi quo pacto in extrema redigantur, hoc est, minimos numeros eandem seruantes proportionem.

Cap XII.

Termini proportionis appellantur minimi numeri in aliqua proportionem: ut proportionis sesquialtera termini sunt. 3. & 2. Nam minores his in ea proportionem reperiri non possunt. Cum igitur duo sese offerunt numeri, quorum habitudo non
satis

satis perspecta est, illos ad terminos
 sic reducemus. Maior numerus per
 minorē diuidatur. Si in diuisione ad
 unitatem peruenitur, non est progre-
 diendum ulterius: illi enim sunt mi-
 nimi in ea proportionē numeri: si ve-
 rò numerus aliquis supersit, per hunc
 minor numerus diuidatur, quem si
 absūmi contingat, cessandum est à di-
 uisione: sin minus, numerus, qui ex
 prima diuisione supersuit, per alterū
 diuidendus est, qui est ex secūda diui-
 sione relictus, fietq; hac reciproca di-
 uisio, donec occurrat numerus, qui di-
 uidendum totū consumat. Per hunc
 ultimo occurrentem, diuidantur nu-
 meri propositi, & qui prodibunt erūt
 proportionis termini: ut propositi nu-
 meri. 30. & 18. quorum non ita facile
 cognita est habitudo, sic ad termi-
 C 5 nos

nos redigentur, diuisis. 30. per. 18.
 relinquuntur. 12. Per hæc diuido mi-
 norem numerum. 18. relinquuntur. 6.
 per quæ. 12. diuido residuum prima
 diuisionis, & quoniam video con-
 sumptum esse id quod diuidendum
 erat, per senarium. 30. diuido, &
 apparent in quotiente. 5. diuido rur-
 sus. 18. exeunt $\frac{3}{2}$. 3. hi sunt termini
 proportionis, quam habent. 30. ad
 18. cum $\frac{3}{2}$ inter terminos proportio in-
 tercedat superbipartiens tertias, cõ-
 cludere licebit, maiores numeros ea-
 dem sese proportionem respicere.

De numero accommodato figu-
 ris, & quòd triplex sit eius forma,
 linearis, plana, & solida.

Cap. XIII:

Figura

Figura in magnitudinibus reperitur & in coniuncta quantitate. Arist. 4. capit. primi Posteriorū

Sed prius ac simplicius in numeris, argumēto est, quod eundem numerū in varias formas possumus transformare, eādem autē magnitudinem nō possumus. Triplex autē est numerorū figura, linearis, plana, seu superficialis, & solida. Linearis numerus est, qui suas omnes in eandem positionem porrigit vnitates: sub qua forma omnes numerorū species continentur, si ita describantur, ut in vnum & idem intervallum perpetuò procedāt, binarius hoc modo, . . . , ternarius itidem eodem . . . , & ita in ceteris. Planus numerus est, qui ex duobus numeris procreatur, sese ad inuicem multiplicātibz, vel qui per suas vnitates in plana superficie descriptus, longitu

longitudinem latitudinemq³ tantum
 obtinet, ut quaternarius, si ita descri-
 batur: : Habet infinitas species sub
 se. Prima est triangularis numerus,
 qui ab unitate descriptus tria latera
 reddit equalia hoc modo. . . in quam
 figurã redigi possunt, ternarius, se-
 narius, denarius, & alij permulti.
 Secunda est circularis numerus, qui
 ex aliquo numero in seipsum ducto
 productus, in illum tandem desinit à
 quo producebatur, ut. 25. Procreatur
 enim ex ductu quinary in seipsum,
 & in quinary finiuntur. Sic quoq³
 36. 625. numeri sunt circulares. Nã
 alter ex ductu senarij in seipsum pro-
 ducitur, alter ex ductu. 25. Ducta
 videtur appellatio ex circulo Geome-
 trico, in quo idem pñctum principiũ
 est, atq³ finis. Numerus quoq³ quadra-

tus sub plano continetur, de quo frequens admodum mentio in Philosophicis habetur disciplinis. Est autem quadratus numerus, qui ex ductu numeri alicuius in seipsum semel, procreatur: ut. 4. 9. 16. 25. Producitur enim quaternarius ex binario in seipsum ducto, nouenarius ex ternario, 6. ex quaternario, hoc modo. Bis duo, ter tria, quater quatuor. In huiusmodi quadratis numeris, ille, ex cuius ductu procreantur, radix, seu latus quadrati appellatur: ut quaternarij radix est binarius: nouenarij ternarius, quod facile intelligetur cuiusque numeri quadrati unitatibus in tetragonam figuram reductis. Conuenit inter alia multa huic numero, ut si vnus in alterum ducatur, eiusdem nominis & formæ tertius procre-

tur,

tur, hoc est, quadratus. Ducto enim novenario in quaternarium, efficiuntur 36. numerus quadratus. Sunt & alia plana numeri formæ permultæ, altera parte longior, pentagonus, hexagonus: sed omnes persequi non est nostri instituti. Solidus numerus est, qui ex tribus numeris producitur sese multiplicatibus, vel qui sparsim per suas unitates descriptus longitudinem, latitudinem, & altitudinem habet: ut. 8. quæ tribus illis constare dimensionibus intelligemus, si eius unitates in singulos resseræ angulos distribuantur, quolibet latere pares, hoc est, duas complectente. Habet species permultas, Sphericum, pyramidem, Pheniscum seu Cuneolum: quorum raro incidit apud Philosophos mentio, certè ab Arist. nusquam in exemplum assumpti videntur. Cubus, qui in soli-

solidis numeratur, frequētissimus est
 vsus. Is dicitur numerus ex ductu al-
 terius in se ipsum bis, procreatus, aut
 quod idem est, ex ductu quadrati in
 suū latus, vt. 8. 27. Si enim binarius
 in se ipsum bis ducatur, hoc modo, bis
 duo bis. 8. efficiētur: etsi ternarius in
 se ipsum ratione eadem, secundus nu-
 merus procreabitur. 27. Idem seque-
 tur omnino ducto quaternario in suū
 latus, hoc est, binariū. In hac numeri
 forma, quē admodum et in quadratis,
 radicē appellare consueuerūt numerū
 illū, ex cuius ductu gignitur Cubus,
 vt octonarij radix est binarius, 27:
 ternarius. Traditur autem certa in
 virisq; radicis inueniēda regula, sed
 hac ex ea petēda est, quæ cōputādi ra-
 tionē docet, quā Logisticā diximus.

De comparationum habitudine;

quæ Analogia dicitur, quid sit, &
quas habeat differentias.

Cap. XIII.

Omnis comparatio, ut minimū,
fit inter duo extrema, de qua ha-
tenus diximus. Solent autem sapi-
simè plura duobus sibi inuicem com-
parari: ubi non una tantum est ratio,
sed plures: comparanturq; non tam
extrema ipsa, quàm rationes, quā ha-
bitudinum comparationem possumus
appellare, Analogiam seu mediocri-
tatem, vulgò proportionalitas nomi-
natur. Sic igitur Analogia simili-
tudo quædam & comparatio multa-
rum proportionū. Reperitur aliquā-
do in tribus extremis, quorū medium
bis sumitur: ut si comparentur hi nu-
meri. 4. 2. 1. Est enim sicut primus
ad

ad secundum, ita secundus ad tertium: vocaturque continua Analogia. Cum autem accipiuntur plura tribus, ut vnoquoque semel tantum in comparatione utamur, nascitur genus alterum Analogiæ priori contrarium, quam disiunctam vocant: qualis cernitur in his numeris, 12. 6. 8. 4. in quibus, quæ est ratio primi ad secundum, eadem est tertij ad quartum.

Aristot. 5.
Ethico ad
Nichoma.
c. 4. ad
Eudemum.

De tribus Analogiæ formis, Arithmetica, Geometrica, Musica.

Cap. XV.

A Nalogiæ formæ reperiæ sunt multæ, quæ nec certa ratione possunt comprehendere. Sed veteres triunduntaxat præcipuè meminisse visisunt, Arithmetica, Geometrica, & Musica: quas mediocritates appellant.

Vide Aristot. 5. Ethico.

larunt, ducta fortasse ex virtutibus
 morum similitudine. Hæ enim inter
 extrema duo exuperantiam & defe-
 ctionem medio quodam loco consiste-
 re traduntur. Est q₃ eadem in Ana-
 logia ratio, in qua tres numeri repe-
 riuntur, medius vnus, & extremi duo,
 ita inter se compositi, vt extremorum
 alter exuperet medium, alter ab eo
 deficiat. Mediocritas Arithme-
 tica est, in qua inter numeros, qui si-
 bi inuicem comparantur, eadem est
 differentia, hoc est, idem excessus, non
 similis proportio, qualis est in tribus
 numeris. 4. 3. 2. & in his quatuor. 8.
 6. 3. 1. Comparatur enim octonarius
 senario, & ternarius vnitati: &
 quo excessu primus vincit secundum,
 eodem tertius superat quartum. Est q₃
 in vtriusq₃ differentia binarius. Geo-

metrica mediocritas est, in qua spectantur, non eadem differentia, sed proportionales similes: ut. 9. 6. 4. 15. 5. 6. 2. Nam in illis proportio una est, sesquialtera, in his tripla, & inaequales differentia. Vincunt enim 9. 6. ternario: hi verò. 4. binario. Reperitur præter hæc tertium Analogia genus harmonicum, in quo nec eadem observatur numerorum differentia, nec ratio similis, sed conferuntur inter se partium excessus, habentq₃ rationem eandem, quam maximus numerus ad minimum, ut videre est in his. 6. 4. 3. quorum differentia sunt maioris & medij. Binarius, medij, & minoris unitas: Est autem binarij ad unitatem ratio eadem, quæ senarij ad ternariũ, dupla videlicet.

De sex alijs Analogiæ formis
ex quinto Euclidis.

Cap. XVI.

Euclides quinto elementorum sex alias constituit Analogiæ species, conuersam, permutatam, coniunctam, disiunctam, euersam, & æquā. Conuersa est, cū sumptis quatuor numeris, in quibus, vt se habet primus ad secundum, ita tertius ad quartū, concludimus ordine conuerso, quod est secundus ad primum, idem esse quartum ad tertium, hoc modo: si est. 8. ad 4. sicut. 6. ad. 3. erit è conuerso. 4. ad 8. sicut. 3. ad. 6.

Permutata est, cū primus est ad secundum, sicut tertius ad quartum, & ex eo concluditur primus esse ad tertium, sicut secundus ad quartum:

vt si

vt si est. 8. ad. 4. sicut. 6. ad. 3. erit permutatim. 8. ad. 6. sicut. 4. ad tria, inter quos eadem omnino ratio est.

Coniuncta vocatur, cum est primus ad secundum, sicut tertius ad quartum: unde colligimus primum cum secundo esse ad secundum, quod est tertius cum quarto ad quartum: vt si est. 8. ad. 4. sicut. 6. ad. 3. erit coniunctim. 12. ad. 4. sicut. 9. ad. 3.

Disiuncta est, cum primo & secundo eodem modo se habentibus, quo secundus & quartus, concludimus differentiam primi & secundi eam seruare proportionem ad secundum, quam seruat differentia tertij & quarti ad quartum: vt si sunt. 18, ad. 6. sicut. 9. ad. 3. erunt. 12. ad. 6. sicut. 6. ad. 3.

Euersa est, cum primo & secundo, tertio itidem & quarto eandem inter

E L E M E N T A

se proportionem seruantibus, colligimus primum ad differentiam ipsiusmet & secundi se habere, quemadmodum tertium se habet ad differentiã, qua vincit quartum: vt si sunt. 12. ad 4. sicut. 9. ad. 5. erunt. 12. ad. 8. sicut 9. ad senarium. Aequa Analogia est, in qua propositis duobus numerorum ordinibus eandem inter se rationem seruantibus, colligimus medijs intermissis, inter extrema similem esse proportionem: vt si sumantur tres numeri. 12. 6. 3. & ex altera parte tres alij. 8. 4. 2. cùm sit vtrorunque ratio eadem concludere licebit. 12. & 3. extrema prioris ordinis eo modo se habere, quo. 8. & 2. extrema secūdi.

Simplicia principia artis, hoc est, diffinitiones, hactenus tradidimus: quæ sequuntur ad alterũ genus pertinent,

*tinent, sunt q₃ dignitates & postula-
ta arti & conficiendæ & pernoscē-
dæ apprimæ necessaria.*

Dignitates Arithmeticæ.

Omnis numerus est maior quali- 1
bet sua parte.

*Ea pars minori dicitur maior, 2
quæ sortitur minorem denominatio-
nem, minor quæ maiorem.*

*Omnis numeri monas est, pars ali- 3
quota & denominata ab ea.*

*Omnis numerus totus à monade 4
est, quota eius pars monas nuncupa-
tur.*

*Omnis numeri partes simul colle- 5
ctæ æquantur suo toti.*

*Numerus crescens ex maiorū ad- 6
ditione, maior est eo, qui crescit ex ad-
ditione minorum.*

D 4 Qui

7 Qui consurgunt aequali multitudine unitatum, sunt ad inuicem aequales.

8 Hi numeri sunt ad inuicem aequales, quorum partes eiusdem denominationis sunt inter se aequales.

9 Si aequalibus numeris aequales adijciantur, consurgunt aequales.

11 Si ab aequalibus numeris aequales numeros demas, residui erunt aequales.

12 Si aequalibus numeris addantur inaequales, inaequales consurgent.

13 Si ab aequalibus auferantur inaequales, remanentes erunt inaequales.

14 Si numerus in monadem ducitur, aut contra, idem numerus semper oriatur.

15 Duobus inaequalibus numeris propositis, si differentia maioris addatur minori

minori numero, relinquentur æquales numeri.

Si numerus ducatur in alterum, 16
productus sese habet ad multiplican-
dum, ut multiplicans ad vnitatem.

Si numerus diuidat alium, qui di 17
uiditur ad diidentem sese habebit,
ut quotiens ad vnitatem.

Qui ad eundem numerum relati 18
æquales seruant proportionem, sunt
ad inuicem æquales.

Si duo maiores numeri tertium ali- 19
quem efficiunt, & duo minores pari-
ter, qui ex coniunctione maiorum pro-
creabitur maior erit.

Eadem est proportio maioris nu- 20
meri ad minorem, quæ partis ad par-
tem eiusdem nominis.

Quoties numerus à numero sub- 21
trahi potest, toties in eo potest & nu-
merari.

Petitiones seu postulata.

- 1 **N**umerum in infinitum crescere.
- 2 Nullum numerum in infinitum decrescere.
- 3 Unitatem pari numero adiunctam imparem reddere.
- 4 Unitatem impari adiunctam efficere imparem.
- 5 Cuius numero innumeros assignari posse equales.
- 6 Maiorem numerum non numerare minorem.

Demonstrationes decem.

EX Arithmetica unam tantum aut alteram demonstrationem in exemplum assumpsisse visus est Aristote. nos tamen has paucas ex varijs libris Euclidis hic apponendas duximus

ximus: quarum alia ad ea, quæ ex
 arte ista Dialecticis & Philosophi-
 cis libris inserta sunt, pertinent: alia
 Geometricis intelligendis sunt neces-
 saria. Nemini itaque mirum vide-
 atur, si ex tam multis has tantum
 decerpserimus. Porro in his traden-
 dis hanc secuti sumus methodum, ut
 præter Campani commentaria, aut
 Theonis, demonstrationes singulas,
 quæ hanc operam desiderare vide-
 bantur, in partes distinxerimus, pro-
 bationibus omnibus explicatis atque
 explanatis. Sic enim speramus, fa-
 cillimè, etiam à rudissimis quibusq;
 perceptas iri. Sumpsimus quoque
 Theoremata aliquot in his nostris
 demonstrationibus, velut Hypothe-
 ses, demonstrationibus eorum præ-
 termiſſis, quòd arduæ atq; difficiles
 nimis

nimis viderentur, & absq³ alijs permultis neutiquam intelligi possent.

Theorema primum. 17. septimi Euclidis.

3
a
12
c

 4
b
12
d

 Vnitas Si duorum numerorum vterq³ du-
 catur in alterum, qui inde producen-
 tur erunt aequales, seu potius idem
 utrobiq³ proueniet.

Numerus numerum multiplicare dicitur, quā-
 do quotæ sunt in ipso unitates, toties com-
 ponitur multiplicatus, & gignitur aliquis. Ex qua
 diffinitione perspicuum euadit, quoties multiplica-
 tus numerus reperitur in tertio, qui producitur, to-
 ties unitatem esse in multiplicante: & contrā, quo-
 tiens unitas est in multiplicante, toties multiplicatū
 in tertio illo reperiri, qui ex multiplicatione procre-
 atur. Sint igitur *a* & *b* numeri, & ex *a* in *b* pro-
 ueniat *c*, idem etiam ex *b* in *a* producet. Cum
 enim ex *a* in *b* proueniat *c*, per diffinitionem pro-
 ximè traditam erit *b* in *c*, quoties unitas in *a*. Iam
 si unitas ad *a* sese habet, quemadmodum *b* ad *c*
 (numerat enim unitas *a*, sicut *b* *c*) permutatim er-
 go quoties unitas in *b*, toties *a* in *c*. Quod etiam
 per 16. septimi perspicuum euadit, quæ ita habet: Si
numerat

numerat unitas aliquem numerum, quoties tertius quartum, erit quoque permutatim, ut quoties unitas numerat tertium, toties secundus numeret quartum. Quia igitur a toties coaceruatur in c , quoties in b est unitas, sequitur ex definitione ex b in a fieri c , quod probandum erat.

Demonstrationis explicatio.

Demonstratione efficitur ex b numero in a fieri c , idque tribus rationibus.

Prima concludit, quoties unitas est in a , toties b esse in c , in hunc modum.

Quando numerus numerum multiplicat, quoties unitas est in multiplicante, toties multiplicatus est in tertio, qui gignitur,

Atqui a multiplicat b , & gignitur c ,

Ergo quoties unitas est in a , toties erit b in c .

Constat ex præmissa definitione.

Est hypothesis.

Secunda concludit, quoties unitas in b , toties a in c , in hunc modum.

Quando numerat unitas aliquem numerum, quoties tertius quartum, erit permutatim, ut quoties unitas tertium, toties secundus numeret quartum:

Sed unitas numerat a , quoties b c ,

Ergo quoties erit unitas in b tertio, toties a secundus erit in quarto c .

Constat ex 16. septimi

Est conclusio præcedentis.

Tertia

Tertia colligit, quod probandum erat, ex b in a fieri c.

Constat Quando quot sunt unitates in aliquo numero, ex pramissis toties alter coaceruatur in tertio, tertius fit ex du-
sa definitio ctu primi in secundum,

ne. At quoties unitas est in b, toties a est in c,

Est conclu Ergo ex ductu b in a fit c.

sio præce-
dentis.

Theorema secundū. 18. septimi.

6 8 Si vnus numerus in duos ducatur,
d e
3 4 qui gignuntur ex multiplicatione,
b c eandem rationem habebunt, quam
a. 2 multiplicati.

Multiplicet a utrunq; duorum numerorum b & c, & gignantur d & e, dico eam ser-
uare proportionem d ad e, quam b ad c. Nam
si a multiplicat c, & prouenit d, erit b in d, quo-
ties unitas in a. Rursus, si a multiplicat c, & pro-
ducitur e, erit itidem c in e, quoties unitas in a
per diffinitionem traditam. Ita d b, & e c æqua-
liter continent, nam quoties a unitatem. Ergo sicut
d ad b, ita e ad c. Quare permutatim erit d ad
e, sicut b ad c, quod probandum fuit.

Explicatio.

Demon

Demonstratio probat d ad e eam seruare proportionem, quam b ad c tribus rationibus.

Prima concludit, b in d, & c in e reperiri, quoties unitas in a.

Quando numerus numerum multiplicat, quoties unitas est in multiplicante, toties multiplicatus est in tertio, qui gignitur,

Atqui a multiplicat b, & producit d, itidē multiplicat c, & producit e,

Erunt igitur b in d, & c in e quoties unitas in a.

Secunda concludit, id esse d ad b, quod e ad c, in hunc modum.

Numerorum ad eos, quos ex æquo continent, eadem est proportio: Ex se patet

Cōtinent autem d b, & e c ex æquo, nam quoties a unitatem, Est conclusio præcedentis.

Ergo d ad b, & e ad c eadem erit ratio.

Tertia concludit, quod demonstrandum erat, id esse d ad e, quod b ad c.

Propositis quatuor numeris, si sit primus ad secundum, sicut tertius ad quartum, erit sicut secundus ad quartum, ita primus ad tertium: Ex permutatione.

Atqui d ad b perinde sese habet, atq; e ad c, Conclusio præcedentis
Ergo quod est b ad c, id erit d ad e.

Theo

Theorema tertium. 20. septimi.

$\begin{matrix} a \\ b \\ c \\ d \\ e \\ f \\ g \end{matrix}$
 $\begin{matrix} 6 \\ 4 \\ 3 \\ 2 \\ 12 \\ 12 \\ 24 \end{matrix}$
Si fuerint quatuor numeri proportionales, quod ex ductu primi in ultimum producit, æquum est ei, quod fit ex ductu secundi in terciũ.

Proportionales numeri uocantur, qui se omnes eadem proportionem respiciunt. Sit proportio a b , sicut c ad d , fiatq; ex a in d e , & ex b in e f : erunt proculdubio e & f numeri æquales. Ducatur enim a in b , & fiat g , erit per decimam octauam præcedentem g ad d , sicut b ad d . Cumq; per 17. ex b in a fiat g , & ex eodem b in c f , erit per decimam octauam g ad f , sicut a ad c . Quod si g seruat proportionem ad e , quam b ad d , & idem g ad f eandem seruat, quam a ad c , cũ illorum proportionem sint eadem, erit g ad e & f proportio eadem: ergo e & f sunt numeri æquales.

Explicatio.

Demonstratio probat e & f esse numeros æquales, quorum e producit ex ductu a in d , f uero ex ductu b in c , quatuor rationibus.

Prima concludit, si ducatur a in b , & fiat g , g ad e sese habere, sicut b ad d , in hunc modum.

Si

Si numerus unus in duos ducatur, qui gignuntur Ex. 18. scilicet ex multiplicatione eandem rationem habent, quam primi multiplicati.

Atqui a multiplicat b , & gignitur e , idem a multiplicat b & producitur g . Hypothesis.

Ergo sicut b ad d , qui sunt numeri multiplicati, ita g ad e , qui ex multiplicatione procreantur.

Secunda probat, ex b in a fieri g , hoc modo.

Si duorum numerorum uterque ducatur in alterum, idem numerus utrobique proveniet, Ex. 17. scilicet primi.

Atqui ex a in b fit g ,

Ergo si b ducatur in a , idem g proveniet. Hypothesis.

Tertia concludit, esse g ad f sicut a ad c .

Si numerus unus in duos ducatur, geniti eandem habent rationem, quam multiplicati, Ex. 18. scilicet primi.

Atqui ex b in a fit g , & ex eodem b in c , f , Hypothesis.

Ergo g ad f erit, sicut a ad c . sis.

Quarta colligit, quod demonstrandum erat, e & f esse numeros pares.

Si unius numeri ad duos sit eadem proportio, necesse est illos esse pares: Ex se patet

Atqui g ad e & ad f eandem servat proportionem. Ex precedentibus.

Ergo e & f sunt numeri aequales.

E Theo

Theorema quartum.
22. septimi.

a 6 *Si fuerint duo numeri secundum*
b 5 *suam proportionem minimi, ipsi erunt*
c 2 *ad inuicem primi.*
d 4 *e* 3

Sint duo numeri *a* & *b* secundum suam proportionem minimi, dico ipsos fore ad inuicem primos. Si enim non sint, numeret eos .c. secundum *d*, & *e*: Eritq; per 18. *d* ad *e*, sicut *a* ad *b*. Et quia *d* & *e* sunt minores *a* & *b*, sequitur *a* & *b* non esse sue proportionis minimos, quod est positioni contrarium.

Demonstratio explicatione nō indiget.

Theorema quintum. 21. octauum.

a 8 *Si quatuor numerorum continuè*
b 12 *proportionalium primus fuerit cu-*
c 18 *bus, quartum cubum esse necesse est.*
d 27

Sint quatuor numeri continuè proportionales *a, b, c, d*, sitq; *a* cubus, dico *d* etiam fore cubum

bum. Principio quod decima nona demonstratione concluditur statuatur principij loco: Si duorum numerorum duo medij proportionales fuerint numeri, ipsos solidos fore atque similes. Quod exemplis multis ostendi potest, & in præassumptis numeris euadit perspicuum. Cum enim inter. 8. & 27. duo medij proportionales intercipientur. 12 & 18. in quibus, quæ est proportio primi ad secundum, eadem est secundi ad tertium, & tertij ad quartum: nam utrobique est sesquitertia, ipsi extremi. 8. & 27. sunt numeri solidi, & similes, uterque enim cubus. Ex theoremate isto pendet propositi demonstratio.

Quoniam enim inter a & duo medij proportionales intercipientur b c , erunt ipsi solidi, & similes:

Atqui a est cubus ex hypothesis,

Ergo & d erit cubus.

Explicatio:

Demonstratio ostendit, cum inter a & duo medij proportionales sint numeri b c , & a sit cubus, d quoque fore cubum unica tantum ratione.

Si duorum numerorum duo medij proportionales fuerint numeri, ipsi solidi erunt & similes, ut si unus sit cubus, sit quoque cubus & alter, Ex. 9. oct. ui.

Atqui inter a & duo medij proportionales sunt numeri c b , Hypothesis.

E 2 Ergo

Ergo a d. solidi erunt & similes, est autem a cubus ex hypothesi: ergo & d , quod fuerat demonstrandum.

Theorema sextum. 23. octavi.

| | | |
|-----|-----|---|
| a | 8 | <i>Si duorum numerorum, quorum proportio fuerit sicut cubi ad cubum, alter vter fuerit cubus, erit quoq; cu- bus & alter.</i> |
| b | 27 | |
| c | 64 | |
| d | 216 | |
| e | 12 | |
| f | 18 | |

Sint duo numeri a b seruantes eandem proportionem, quam seruant c d , sitq; a cubus, dico b cubum esse. Necessse est enim c d solidos esse & similes, cum sint cubi, quod constat ex. 19. octavi.

Inter ipsos itaq; cadent duo medij proportionales per. 18. totidem igitur cadent inter a b per. 8. octavi, quæ demonstrat, si inter duos numeros numeri quodlibet cōtinuè proportionales ceciderint, inter omnes eiusdem proportionis totidem cadere. Medij inter a b sint e f . Quoniā igitur quatuor numeri a , e , f , b cōtinuè proportionales sunt, & a est cubus: ergo b erit cubus, quod fuerat demonstrandum.

Explicatio.

Demonstratio cōcludit, si a & b perinde sese habeāt atq; c & d , qui sunt cubi, & a sit cubus, b cubum.

cubum fore quatuor rationibus.

Prima colligit, c d esse solidos & similes, in hunc modum.

Omnes cubi sunt solidi similes,

At c d sunt cubi,

Ergo solidi & similes.

Ex. 19. o^a

clavi.

Hypothesi

Secunda concludit, inter c d duos sis. cadere numeros continuè proportionales.

Si fuerint duo numeri solidi similes, necesse est inter eos, duos numeros continuè proportionales interesse.

Ex. 18. o^a

clavi.

Atqui c d sunt huiusmodi,

Ergo inter c & d duo intererunt medij.

Conclusio
præcedētis

Tertia colligit, inter a b duos quoq; interesse proportionales.

Si inter duos numeros quodlibet continuè proportionales ceciderint, totidem inter alios eiusdem proportionis cadere est necesse.

Ex. 8. o^a

clavi.

At inter c d cadunt duo numeri, & a b eandē habent cum illis proportionem,

Est conclusio præcedētis.

Ergo inter a b duo cadēt proportionales e f.

Postrema ostendit, b esse cubum, quod fuerat demonstrandum.

Si quatuor numerorum continuè proportiona-

Ex. 12. o^a

clavi.

E 3 lium

lium primus fuerit cubus, quartus quoq; erit cubus:

Ex præcedentibus. At a, e, f, b , sunt numeri proportionales, & a est cubus,

Ergo b erit numerus cubus.

Theorema septimum.

3. noni.

f
g
a
b
c
d

16

32

8

64

2

4

Si numerus cubus in seipsum ducatur, qui inde producetur, erit cubus.

Sit a cubus numerus, ex quo in se ducto fiat b , dico b fore cubum. Sit enim c latus a numeri cubi, ducaturq; in seipsum, & fiat d , certè ex c in d fiet a , quod manifestū est ex lateris cubi numeri diffinitione. Iam cum c seipsum multiplicans efficiat d , quoties unitas est in c , toties erit c in d per diffinitionem primæ propositionis:

Quare quæ est proportio unitatis ad c , eadem est c ad d .

Rursus cum c seipsum multiplicans efficiat d , & multiplicans d producat a , per. 18. quæ erit proportio c ad d , eadem erit d ad a . Ex quibus sequitur unitatem, c , d , & a esse continuè proportionales, contineriq; inter unitatem & a duos medios numeros continuè proportionales. Porro cum a in seipsum ductus efficiat b , quoties unitas in a , toties a in b , eritq; proportio unitatis ad a , sicut a ad

a ad b : cumq; inter unitatem & a duo medij numeri intersint proportionales, inter a quoq; & b totidem intererunt, sintq; f & g , quod probatur ex. 8. octavi.

Si igitur a, f, g, b , sunt quatuor numeri cōtinuē proportionales, & a ex hypothesi est cubus:

Ergo per præcedentem b erit cubus, quod fuerat demonstrandum.

Demonstrationis explicatio.

Demonstratio probat, si a cubus numerus in se ipsum ducatur, & producat b , b esse cubum sex rationibus.

Prima concludit, si c latus cubi numeri a in seipsum ducatur, & producat d , ex ductu c in d fieri a , in hunc modum.

Latus cubi numeri est numerus, ex cuius ductu in seipsum bis cubus producitur, Ex diffinitione lateris cubi.

At c est latus cubi a ,

Ergo ex c in seipsum bis fiet a , atqui ducere c in seipsum bis nil aliud est, quàm ducere c in d : igitur ex c in d fiet a . Hypothesis.

Secunda concludit, unitatem ad c esse, sicut c ad d , in hunc modum.

Quando numerus numerum multiplicat, quoties

E L E M E N T A

unitas est in multiplicante, toties multiplicatus est in tertio, qui gignitur.

Hypothesis.

At c seipsum multiplicat, & fit d ,

Ergo quoties unitas in c , toties c in d , erit q̃; proportio unitatis ad c , quæ est c ad d .

Tertia concludit, quæ est proportio c ad d , eandem esse d ad a , in hunc modum.

Ex. 18. sequenti.

Si numerus unus in duos ducatur, qui gignuntur ex multiplicatione eandem servant proportionem, quam multiplicati.

Hypothesis.

At ducitur c in seipsum & fit d , ducitur quoq; c in d , & fit a ,

Ergo quæ est ratio c ad d , eadem erit d ad a , ex quibus sequitur unitatem, c , d , & a esse continue proportionales, contineriq; inter unitatem & a duos numeros continue proportionales.

Quarta concludit, esse proportionem unitatis ad a , sicut a ad b , in hunc modum.

Ex definitione primæ.

Quando numerus numerum multiplicat, quoties unitas est in multiplicante, toties multiplicatus est in tertio, qui gignitur,

Hypothesis

Atqui a in seipsum ducitur, & fit b ,

Ergo sicut unitas ad a , ita a ad b .

Quinta concludit, inter a & b duos

duos interesse numeros proportionales, in hunc modum.

Si inter duos numeros numeri quodlibet continuè proportionales ceciderint, inter omnes eiusdem proportionis, totidem cadere est necesse, Ex. 18. o.

Atqui inter unitatem & a duo medij intersunt, Ex præcedentibus.
estq; sicut unitas ad a, ita a ad b,

Ergo duo erunt medij inter a & b, f scilicet & g.

Postrema colligit, b esse cubum, quod erat demonstrandum, in hunc modum.

Si quatuor numerorum continuè proportionalium primus fuerit cubus, quartum cubum esse est necesse. Ex. 5.

Atqui a, f, g, b sunt numeri continuè proportionales, estq; a cubus, Ex præcedentibus.

Ergo & b erit numerus cubus.

**Theorema octauū. 4. noni, quo
v fus est Arist. cap. 7. primi Post.**

*Sicubus in cubum ducatur, qui a 8
inde producet erit cubus. b 27
d 64*

S Int a & b cubi, fiatq; ex a in b c, dico c c 216
fore cubum. Ducatur a in se, & fiet d, eritq;
per præcedentem d cubus: Et quia per. 18. septimi
B S est

ELEMENTA

est a ad b , sicut d ad c , constat ex. 13. octavi esse cubum.

Explicatio.

Demonstratio concludit, cum sint a & b cubi, & ex a in b fiat c , c esse cubum tribus rationibus.

Prima ostēdit, si a in seipsum ducatur, & fiat d , d esse cubum.

Ex. 3. noni.

Si cubus ducatur in seipsum, qui producetur cubus erit.

Est hypothesis.

At a , cum sit cubus, in seipsum ducitur, & fit d , Ergo erit d cubus.

Secunda colligit, esse a ad b , sicut d ad c .

Ex. 18. secundi.

Si numerus unus in duos ducatur, qui gignuntur eandem rationem habent, quàm multiplicati.

Atqui a ducitur in seipsum, fitq; d , ducitur etiam in b , & fit c ,

Ergo sicut a & b , ita d & c .

Postrema colligit, c esse cubum, quod fuerat demonstrandum,

Ex. 23. octavi.

Si duorum numerorum, quorum proportio fuerit sicut cubi ad cubum, alteruter fuerit cubus, erit quoq; cubus & alter,

Ex præcedentibus.

At d & c sese habēt sicut a & b , qui sunt cubi, & d est cubus,

Ergo c erit cubus.

Theorema

Theorema nonum. 21. noni

Si pares numeri quilibet componantur, cōpositus ex omnibus par erit. 2 4 6
a b c

Componentur numeri a, b, c , qui singuli sunt pares, totus a, c erit par. Nam quoniā unusquisq; ipsorum a, b, c , par est, partem habebit dimidiam, quod constat ex diffinitione paris numeri. Quare & totus a, c in duo dimidia diuidi poterit, ac per diffinitionem numeri paris, totus a, c par erit.

Demonstratio facilior est, quàm vt explicatione indigeat.

Theorema decimum. 23. noni.

Si impares numeri componantur, & multitudo ipsorum fuerit impar, numerus, ex quibus componitur, erit impar. 3 5 7
a b c

Componentur numeri impares a, b, c , quorum multitudo est impar, totus a, c erit impar.

Auferatur à c unitas, & relinquatur e par numerus, cum igitur a, b sit par, per. 23. quæ demonstrat, si numeri impares coaceruentur, quorum multitudo sit par, numerum ex eis compositum esse

E L E M E N T A

esse parem, si illis addatur e , totus $a + e$ erit par per præcedentē: toti huic, si unitas addatur fiet impar: at unitate addita fit $a + c$, totus igitur $a + c$ est numerus impar.

Hæc quoque explicationē non desiderat.

Qui de Arithmetica scripserūt, omnes fermè Logisticam seu Computatoriam videntur cum ea cōiunxisse, quæ in sola contemplatione versatur, sed nobis vel ob hanc causam illā prætermittere licebit, quod scilicet possit ex alijs commodè peti, & ad disciplinam Aristo. nil omnino opis ferat.

Finis Arithmetice institutionis.



Quid

Quid Geome- TRIA, ET QVOT eius principia, & partes.



GEOMETRIA

vna est ex Mathematicis, Arithmetica sola posterior, ceteris omnibus ordine prior, & demonstrationū firmitate longè superior: quæ magnitudinum, figurarum, terminorumq; in his existentium rationes perpendit, affectionesq; varias ad magnitudinem pertinentes certissima ratione inuestigat, ac inesse ipsi argumentis necessarijs demonstrat. Huius, quemadmodum & aliarum, duas pleriq; fecerunt partes: quarum altera in contemplatione sola consistit, altera

altera in actionem & opus referatur. Prior simplex est & vna, hæc in tria membra diuisa Altimetriã, Planimetriam, & Stereometriam, metiri corporum molem, secundum omnem partem ac dimensionem, arte docet & instrumentis: prima linea, hoc est, longitudinis, secunda extremitatis & latitudinis, tertia altitudinis mensuranda rationem ostendēte. Nobis propositum est, eius tradere elementa, quæ in contemplationem solam incumbit. Continet perinde atq; Arithmet. ars ista firmissima principia: quorū alia simplicia sunt, alia composita. De quibus omnibus, quatenus instituti nostri ratio postulat, dicendum est.

Diffinitiones simplicia
principia.

Magni

Magnitudinis principium punctus est, quemadmodum & numerorum vnitas.

Punctus est, cuius nulla est pars, & in coniuncta collocatur quantitate: cuius fluxu, perinde ac si vestigiū aliquod relinqueret, linea describi à Mathematicis intelligitur.

Linea, est longitudo sine latitudine, cuius extrema sunt puncta. Recta est breuissima extensio, cuius medium non declinat ab extremis. Inflexa, seu obliqua, cuius medium ab extremis discrepat.

Ex lineæ fluxu extremitas describitur, quæ longitudinem & latitudinem tantum obtinet, altitudinis expers: & lineis clauditur.

Corpus, perfectissimam magnitudinem, suo fluxu efficit extremitas, tribus

tribus continetur dimensionibus, longitudine, latitudine, & crassitie: clauditur q̃ aut vna extremitate, aut pluribus, vt talus & sphaera.

De angulis.

Angulus, est duarum magnitudinum contactus mutuus, nō rectè iacentium: aut potius magnitudo altera parte finita, & duabus lineis, vel extremitatibus comprehensa, se non rectè contingentibus. Contactus rectus linearum, est quando ex duabus vna coalescit, atq; conflatur.

Anguli prima diuisio est in solidum, & planum: Planus, est linearū contactus, non rectè iacentium: Solidus, siue corporeus, est qui ex pluribus planis angulis, in eadē superficie minime constitutis, & ad idem punctū

concur-

cōcurrentibus efficitur. Comprehen-
ditur itaq; angulus solidus, vt mini-
mum, tribus lineis rectis, & tribus pla-
nis angulis.

Planus angulus, aut rectilineus
est, aut curvilineus, aut mixtus. Re-
ctilineus est, qui ex rectis lineis con fi-
citur: Curvilineus, qui ex obliquis:
Mixtum efficiunt recta & obliqua,
cūm cōeunt.

Diuiditur vnaqueq; harū formarū
plani anguli in alias præterea spe-
cies. Rectilineus, in rectum, acutū, &
obtusum. Rectū angulū efficit linea
recta, super rectam incidens ad per-
pendiculum, vt a d. Cūm autē linea
vna aliam intersecat, non ad perpen-
diculum, sed obliquē, fiunt anguli
obtusus, & acutus. Obtusus maior est
recto, vt e. Acutus recto minor, vt c.



F. Curui-

Curvilineus angulus tres habet species, Concauum, Conuexũ, & Medium. Concauus est, quem duæ lineæ circulares continent, sese secundum interiorem partem contingentes: Conuexum efficiunt quoq; lineæ circulares, quæ se secundum exteriorem partem contingunt: Medium ab eisdem constituitur, cum altera secundum partem interiorem, altera secundum exteriorem, ad idẽ punctũ concurrunt.

Mixtus angulus tres quoq; sub se formas cõtinet: Angulum cõtingentia, qui fit ex cõtactũ rectæ lineæ ad curuã secundum exteriorem partem: Angulũ semicirculi, qui producitur ex cõtactũ diametri, & circũferentiæ in interiore parte circuli: & Angulum portionis circuli, quem efficit recta lineæ non ducta per centrum

cum

cū circumferentia circuli: quorū omnium exempla in subiectis figuris cernuntur.

De figura.

Figura est, quæ aut extremo vno clauditur, aut pluribus. Plana, quæ in extremitate descripta, lineis comprehenditur. Solida, quæ clauditur extremitatibus. Plana, aut rotunda est, aut rectilinea. Rotunda circumlum continet, & quas irregulares Geometra appellant.

Circulus est plana figura, vnica linea comprehensa, quæ circumferentia dicitur: in cuius medio punctus est, à quo omnes lineæ ad circumferentiam ductæ pares sunt.

Dimetiens circuli, est linea per centrum acta, vtrinque in circunse-



F 2 rentiam

rentiam desinens.

Semicirculus, est figura diametro, & abscisa circuli circumferentia comprehensa.

Sectio, seu portio circuli, est quæ sub recta linea, & portione circuli, aut maiore, aut minore semicirculo continetur: vocaturq; linea huiusmodi corda: portio verò circuli, arcus.

Area in circulo, & in alijs figuris, appellatur superficies, quæ intra lineam, aut lineas comprehenditur.

Rotunda figura irregularis curvâ lineâ una continetur, sed in ea nō est punctus, à quo lineæ ad circumferentiam ductæ, pares sint: ut oui figura, aut lentis.

Rectilinea figura, sunt quæ sub rectis lineis continentur: cuius infinitæ sunt formæ, & à numero laterum

rum, atq; angulorum nomē accipiūt.

Prima est triangulum, quod tribus lateribus continetur, & totidem angulis.



Aequilaterū, quod tribus constat aequis lateribus: Isosceles, quod duo tantū habet equalia latera. Scalenū, cuius omnia latera inaequalia sunt.



Est & altera trianguli diuisio ex angulis desumpta, in Orthogonium, quod rectum vnum habet angulum: Ambligonium, quod obtusum vnum habet, & acutos duos: Oxigonium, cuius omnes acuti sunt anguli.



Figurarum quadrilaterarū quadratum, est quod aequilaterum & rectangulum est, vt d.



Alter a parte longius, quod rectangulum quidem est, sed non aequilaterum, vt e.





Rombus, qui æquilaterus, sed re-
ctangulus non est, ut f.



Romboides, qui neq^{ue} æquilaterus,
neq^{ue} rectangulus est: habet tamen op-
posita latera æqualia, & pares an-
gulos, ut g.



Alia ab his, quæ quatuor conti-
nentur lateribus, trapezia dicuntur.

Figura quinque lateribus cõstans,
pentagona est, ut i.



Quæ sex habet latera, hexagona,
ut d. Sicq^{ue} in immensum excrescunt.

Figura solida, est quæ aut extre-
mitate vna clauditur, aut pluribus:
cuius formæ sunt permultæ, quas per-
sequi non est nostri instituti.

Basis in omnibus figuris rectili-
neis appellatur linea, quæ subijci ac
substerni cæteris intelligitur: reli-
quæ latera vocantur.

Para-

Parallela lineæ, sunt rectæ lineæ, quæ in eadem superficie descriptæ, etiam si utrauis ex parte in infinitum producantur, nunquam concurrunt.

In spacio parallelogramo, ea, quæ diameter secat per medium parallelogrami, circa eandem diametrum consistere dicuntur. Eorum verò, quæ circa eandem diametrum consistunt, unumquodq; cum duobus supplementis gnomon appellatur, ut in proposita figura a b c d quadratum a g e k, & parvulum quadratum k f h d, quæ diameter a d per medium secat, circa eandem diametrum dicuntur consistere. Reliqua g k, c f, & c k. b h supplementa vocantur: unūquodq; autem quadratū cū duobus his supplementis dicitur gnomon.



✻ Axiomata, seu dignitates, ✻

- 1 **Q**Uæ vni & eidem sunt equalia,
& sibi inuicem sunt equalia.
- 2 Si equalibus equalia addantur,
vel idem commune, quæ procreantur
sunt equalia.
- 3 Si ab equalibus auferantur equalia,
quæ relinquuntur erunt equalia.
- 4 Si inaequalibus inaequalia adij-
ciantur, omnia erunt inaequalia.
- 5 Si ab inaequalibus equalia aufe-
rantur, reliqua inaequalia erunt.
- 6 Quæ eiusdem sunt duplicia, aut
equè multiplicia, equalia esse sibi in-
uicem est necesse.
- 7 Quæ eiusdem sunt dimidiū, equalia
sunt ad inuicem.
- 8 Quæ sibi met cōueniunt, sunt quoq;
equalia.

Omne

*Omne totum maius est sua parte, 9
& omnibus partibus simul sumptis
æquale.*

✠ Postulata. ✠

A Quovis puncto in datum quod-^I
cunq; punctum rectam lineam
ducere.

Rectam lineam definitam in con-²
tinuum rectumq; producere.

Super centrum quodvis, occupato³
quantolibet intervallo, circulum de-
scribere.

Omnes rectos angulos ad invicem⁴
esse æquales.

Si linea recta super duas rectas ce-⁵
siderit, & anguli ex eadem parte
duobus angulis rectis minores fue-
rint, duas illas in eandem partem pro-
tractas, coniunctum iri.


F 5 Rectam

- 6 Rectam lineam, vel obliquam à dato puncto, quod intra figuram est, ad extremū quodcunq; punctum in eodem plano signatumeductā, ipsius figuræ latera intersecare.
- 8 Duas rectas lineas superficiē nullam claudere.

Sunt & alia tam postulata, quàm axiomata his similia penè infinita, quæ longum esset percensere.

T H E O R E M A

primum.



Triangulum æquilaterum, supra datam rectam lineam collocare.

Sit recta linea $a b$, pede uno circini in a collocato, & altero usq; ad b extēso, circulū describā per tertiam petitionem, $c d b$: Rursus, seruata eadem circini extensione, super punctum b alterum describam circulum priori æqualem, qui se in duobus

His punctis interfecabunt c , & b . Ab interseccione altera, ut c , ad puncta lineæ $a b$, rectas duas lineas ducam per primam petitionem: eritq; factum triangulum æquilaterum, $a c b$. Nam quia à centro a , circuli $c d b$ ductæ sunt lineæ $a b$, & $a c$ ad eius circumferentiam, erunt æquales per circuli diffinitionem. Eadem quoq; ratione lineæ $b a$, & $b c$ pares erunt, ducuntur enim à centro circuli $a c e$ ad eius circumferentiam. Iam cum lineæ $a c$, & $b c$ æquales sint lineæ $a b$, ipsæ quoq; erunt æquales per primum axioma. Ita relinquitur, latera omnia trianguli $a c b$ esse æqualia, ac proinde factum esse triangulum æquilaterum, quod fuerat demonstrandum.

Explicatio.

Demonstratio probat, triangulum $a c b$ æquilaterum esse tribus rationibus.

Prima concludit, lineas $a c$, & $a b$ esse pares, in hunc modum.

Omnes lineæ ductæ à centro ad circumferentiā pares sunt.

Lineæ $a c$, & $a b$ ducuntur à centro ad circumferentiam,

Ergo lineæ $a c$, & $a b$ sunt pares.

Ex diffinitione circuli.

Hypothesis.

Secunda

ELEMENTA

Secunda colligit, lineas $a b$ & $b c$ pares esse, argumento simili, & ex eodem principio ducto.

Tertia concludit, lineas $a c$ & $b c$ pares esse, in hunc modum.

Ex. I. axio
mate.

Ex præce-
dentibus.

Quæ sunt eidem equalia, sunt ad inuicem equalia.
Lineæ $a c$ & $b c$ sunt æquales lineæ $a b$,
Ergo sunt ad inuicem æquales. Ex quibus sequi-
tur in proposito triângulo latera omnia esse æqualia.

Theorema secundum.



A Dato puncto, cuius rectæ lineæ
propositæ æquam rectam lineam
ducere.

S It a punctus datus, & $b c$ lineæ propositæ, cui
à puncto a ducenda sit æqualis. a punctum cō-
iungam cum altero extremo lineæ $b c$, nempe c per
lineam $a c$, super quam constituam triângulum æ-
quilaterum per præcedentem $a c d$. Iam pede cir-
cini in extremo c collocato, & altero secundū quā-
titatem $b c$ lineæ expanso, describam circulum $e b$
per tertium postulatum, & latus triânguli æquilate-
ri $d c$ protraham usq; ad e , ut sit linea tota $d c e$:
secundum cuius quantitatem describā circulum $e f$,
& latus $d a$ triânguli protraham usq; ad f . Erit
itaq;

itaq; linea $a f$, linea $b c$ & $c e$ æquales. Nam $b c$ & $c e$ æquales sunt, cum ex eodem centro ducantur. Rursus $d f$ & $d e$ sunt itidem pares propter eandem causam. Ab his auferamus $d a$ & $d c$ latera æqualia trianguli, quæ supererunt linea $c e$ & $a f$ erunt æquales per tertiū axioma. Quod si linea $c e$ æqualis est $a f$, & eidem æqualis $b c$, $b c$ igitur & $a f$ pares erunt per primum axioma.

Explicatio.

Demonstratio probat in proposita figura lineam $a f$, quæ ducta est à dato puncto a , propositæ lineæ $b c$ æqualem esse quatuor rationibus.

Prima ostendit, lineas $b c$ & $c e$ æquales esse, in hunc modum.

Omnes lineæ ductæ à centro ad circumferentiam pares sunt,

Lineæ $b c$ & $c e$ ducuntur à centro ad circumferentiam,

Ergo sunt æquales.

Secunda ostendit, $d f$ & $d e$ pares esse simili prorsus argumento, quia ducuntur à centro circuli $e f$ ad circumferentiam.

Tertia demonstrat, lineas $e c$ & $a f$ pares esse.

Ex diffinitione circuli.

Hypothesis.

Si ab

Ex. 3. axio
mate.

Si ab æqualibus auferantur æqualia, æqualia re-
linquentur,

Ex præce-
dentibus.

Lineæ $d f$, & $d e$ sunt pares:

Ergo sublatis partibus æqualibus $c d$, & $a d$,
quæ supererunt lineæ $c e$, & $a f$ erunt æquales.

Postrema demonstrat, $a f$ æqua-
lem esse $b c$.

Ex. I. axio
mate.


Quæ eidem sunt æqualia, sunt sibi inuicē æqua-
lia,

Linea $b c$ æqualis est lineæ $c e$, & eidē æqua-
lis est $a f$,

Ergo lineæ $a f$ & $b c$ sunt æquales, quod fue-
rat demonstrandum.

Theorema tertium.

*Duabus datis rectis lineis inæqua-
libus, à maiori minori æqualem rectā
lineam abscindere.*



Sint lineæ duæ $a b$, & $c d$, & à maiori $c d$,
sit minori æqualis abscindenda. A puncto c
duco æqualem $a b$, ut præcedens docuit: sitq; $c e$.
Ac centro c , interuallo autem $c e$, describam cir-
culum, lineam $c d$ intersecantem in puncto f . Linea
 $c f$ æqualis est lineæ $c e$, & eidem æqualis erat $a b$:
erunt igitur $a b$, & $c f$ pares per primam com-
muncem sententiā. Ita à maiori linea $c d$, abscissa est
minori $a b$ æqualis scilicet $c f$.

Explicatio

Explicatio.

Demonstratio probat lineam $c f$, quæ à maiori $c d$ abscinditur, æqualem esse lineæ $a b$, duabus rationibus.

Prima ostendit, lineam $c f$ æqualem esse lineæ $c e$, in hunc modum.

Lineæ ductæ à centro circuli ad circumferentiã sunt pares, Ex diffinitione circuli.

Lineæ $c f$, & $c e$ ducuntur à centro circuli ad circumferentiã,

Hypothesis.

Sunt igitur pares.

Secunda concludit, lineam $c f$ æqualem esse lineæ $a b$, quod fuerat demonstrandum.

Quæ eidem sunt æqualia, sunt ad inuicem æqualia, Linea $a b$ est æqualis lineæ $c e$, & eidem $c e$ æqualis est linea $c f$,

Ex. 1. axioma.

Ergo $c f$ & $a b$ erunt æquales.

Ex precedentibus.

Theorema quartum.

Quorūcūq; duorū triangulorū duo latera vnius, duobus lateribus alterius fuerint æqualia, & anguli his æquis lateribus contecti æquales, erit basis



basis basi, & reliqui anguli unius, reliquis angulis alterius æquales, & deniq; totus triangulus toti triangulo æqualis.

Sint duo triangula abc , def , sitq; latus ab æquale lateri de , & latus ac æquale lateri df , & angulus a æqualis angulo d . Dico basim bc æqualem esse basi ef , & angulum b angulo e , angulum c angulo f , & totam trianguli abc superficiem superficiem trianguli def æqualem. Superponatur & accommodetur triangulum abc triangulo def , ut angulus a cadat super d angulum, latus ab super de , & ac super df . Certè ista omnia cõgruent sibi metipsis, & neq; angulus angulum excedet, nec latera unius trianguli, latera alterius, per octauum axioma. Rursus cum latus ab conueniat cum latere de , & ac cum latere df , punctũ b congruet puncto e , & c puncto f : quare basis bc congruet basi ef , & erit ipsi æqualis. Alioqui si extremis punctis linearum cõgruentibus, lineæ non congruerent, una extra alteram caderet, & clauderent superficiem, quod repugnat ultimo postulato. Quod si lineæ omnes trianguli unius pares sunt lineis alterius, & anguli angulis, totum triangulum toti erit æquale.

Explicatio:

Ex octauo
axiomate.

Demonstratio uim accipit ex penultimo axioma-
te, &

mate & unica ferè ratione, quod demonstrandum est, concludit ad hunc modum.

Quæ sibi inuicè congruunt, sunt equalia.

Sed si triangulum abc , triangulo cdf , superponatur & accommodetur anguli angulis cōgruūt, & lineæ lineis.

Ex. 8. axioma
hypotheses.

Ergo & anguli pares sunt angulis, & lineæ lineis, & totus triangulus toti triangulo est equalis.

Theorema. quintum.

Isoſcelis trianguli qui sunt ad basim anguli, pares sunt. Quòd si eius duo latera rectè protrahantur, fient quoque sub basi duo anguli inuicem equalēs. quo vsus est Aristoteles.

24. cap. primi Priorum.

Sit triangulus abc , cuius latus ab , sit equalē lateri ac : dico angulum abc , equalē esse angulo acb . Quòd si protrahantur ab , & ac , usq; ad d , & e , fiet angulus dbc , equalis angulo ecb . Protractis ab , & ac , constituam lineam ad , equalē lineæ ae , per tertium Theoremā: & educam lineas eb , & cd . His ita constitutis intelligo primū duos triangulos abc , & acd , qui equalēs sunt & equi anguli. Nam prioris latera ab , & ac , equalia sunt duobus lateribus alterius ac , & ad , angulus a , cōmunis utriq; ergo per præcedentem, basis bc , equalis



E L E M E N T A

erit basi $c d$, & angulus e , equalis angulo d , & angulus $a b e$, equalis angulo $a c d$. Item alios duos triangulos intelligo $d b c$, & $e c b$: qui ostenduntur esse equilateri, & equianguli. Nam latera b, d & $c d$, trianguli b, d, c , sunt equalia duobus lateribus $e c$, & e, b , trianguli $e b c$: & angulus d , angulo e : ergo per precedentem, basis basi, & reliqui anguli reliquis angulis. Quare angulus d, b, c , est equalis angulo $e c b$, quod secundo loco fuerat demonstrandum. Illi enim sunt sub basi Isoscelis positi. Iam totus angulus $a b e$, est equalis $a c d$: si ergo à toto auferamus equales angulos $e c b$, & $d b c$, qui supererunt $a b c$, & $a c b$, erunt equales per tertium axiomam, qui sunt anguli ad basim Isoscelis positi, quod primo loco fuerat demonstrandum.

Explicatio.

Demonstratio sumptis hypothesibus, & constituta figura, demonstrat in primis triangulos $a b e$, & $a c d$ esse equiangulos & equales in hunc modum.

Ex quarto. Omnium triangulorum, quorum duo latera unius fuerint equalia duobus lateribus alterius, & anguli æquilateribus contenti equales, erit basis basi, & denique totus triangulus toti equalis.

Ex hypothesi. Sed in propositis ita res sese habet. Ergo totum triangulum toti par erit, & angulus $a b e$, equalis angulo $a c d$.

Secunda ratio ostendit partem posteriorem angulos, qui sunt sub basi $d b c$, & $e c b$, pares esse.

Omnium

Omniū triangulorum, quorū duo latera unius fuerint equalia duobus lateribus alterius. &c. sed in propositis triangulis, latera db , & dc , trianguli dbc , equalia sunt lateribus alterius ec , & eb : & anguli d equales.

Ergo anguli, qui sunt sub basi isoscelis ecb , & dbc , erunt equalēs.

Tertia ratio concludit priorem partem, angulos abc , & acb , qui sunt ad basim isoscelis pares esse.

Si ab equalibus auferantur equalia, quæ relinquantur sunt equalia. Ex. 3. axiōmate.


Sed totus angulus $e b a$ equalis erat toti angulo $d c a$, & a b his ablati sunt equalēs anguli dbc , & ecb , qui sunt sub basi. Ex præcedentibus.

Ergo qui relinquuntur anguli abc , & acb , erunt equalēs, quod fuerat demonstrandum.

Theorema sextum. 8. primi.

Omniū triangulorum, quorum duo latera unius fuerint equalia duobus lateribus alterius, & basis basi equalis, qui continentur equis lateribus, anguli erunt equalēs.

Sint duo trianguli abc , def , sitq; latus ae
 & ij equalē



E L E M E N T A

aequale lateri $d f$, & $b c$, aequale $e f$, & $a b$ basi, & qualis basi $d e$. Dico angulum c parem esse angulo f , angulū a , angulo d , & b, e . Nam si triangulus unus alteri superponatur & accommodetur, certē oportebit latera lateribus congruere, & basim basi, per octauum axiomā. Et punctus f cadet super c , alioquin lineae non essent pares, ut ex altera constat figura, cadet quoque d super a , & e super b . Ita anguli omnes unius erunt pares angulis alterius, quod fuerat demonstrandum.

Explicatio.

Demonstratio unica hac ratione concludit propositum, angulos aequis lateribus contentos pares esse f, c, d, a, e, b .

Ex. 8. axioma.

Ex hypothesi.

Quae sunt aequalia, sibi inuicem congruunt, sed latera unius trianguli aequalia sunt lateribus alterius, & basis basi.

Ergo si alter alteri accommodetur, & latera congruent, & anguli angulis. Quare necesse est angulos esse pares.

Theorema septimum. 9 primi.

Datū angulum per aequalia secare.



Sit datus angulus, quē oportet diuidere $a b c$, lineae ipsum continentēs, fiant aequales, sint $a b c$, & $a c$. Et trahatur linea $b c$: super quam constituatur triangulus

triangulus, siue æquilaterus, siue æquicrurus $b d c$,
 punctiq; $a d$ linea recta iungantur $a d$. Dico illam
 diuidere angulum a in duo æqualia. Sunt enim duo
 trianguli, $b a d$, & $c a d$: quorum latera unius sunt
 æqualia lateribus alterius, scilicet $b a$, & $a d$, & $c a$
 & $a d$: & basis $b d$, basi $b c$. Quare per præceden-
 tem anguli æquis lateribus contenti $b a d$, & $c a d$,
 pares erunt. Ita constat totum angulum $b a c$ diui-
 sum esse in duo æqualia.

Explicatio.

Concludit demonstratio angulum $b a c$, per li-
 neā $a d$, diuisum esse in duo æqualia unica ratione.

Quorum triangulorū latera unius æqualia sunt Ex. 6. axio
 lateribus alterius, & basis basi, Anguli æquis late- mate.
 ribus contenti sunt æquales,

Sed duo latera $b a$, & $d a$, trianguli $b d a$, æqua Ex hypo-
 lia sunt duobus lateribus alterius $c a$, & $d a$, & bas thesibus.
 sis $b d$, basi $d c$,

Ergo anguli $b a d$, & $c a d$, æquis lateribus con-
 tenti, pares erunt. Quare totus angulus $b a c$, diui-
 sus est in partes æquas.

Theorema octauum. 10. primi.

Datam rectam lineam, per æqua-
 lia diuidere.



Sit linea diuidenda per æqualia $a b$, super ipsam

G iij conste

E L E M E N T A

constituam triangulum æquilaterum $a b c$, & angulum c diuidam in partes æquas per præcedentē, ducta linea $c d$.

Dico lineam $c d$, diuidere lineam $a b$ per æqualia. Sunt enim duo trianguli $a c d$, & $b c d$, & latera prioris $a c$, & $d c$, sunt æqualia lateribus alterius $b c$, & $d c$, & angulus e unius, par angulo c , alterius. Erit igitur per quartam basis $a d$, æqualis basi $d b$, quod demonstrandum erat.

Explicatio.

Demonstratio unica ratione propositum concludit, lineam $a b$, à linea $c d$, in partes æquas esse diuisam.

Ex quarto. Quorum triangulorum latera sunt æqualia, & anguli æquis lateribus contenti pares, basis basi est æqualis.

Ex hypothesi. Sed duorum triangulorum $a c d$, & $b c d$, latera sunt æqualia, & angulus e par angulo c :

Ergo basis $a d$, æqualis basi $d b$. Linea igitur $a b$ in partes æquas est diuisa.

Theorema nonum. ii. primi.



Data recta linea, à signo in ea signato, rectam lineam ad rectos angulos excitare.

Sit data linea $a b$, signetur in ea punctus c , à quo sit educenda perpendicularis. per. 3. constituam lineam $b c$ æqualem lineæ $a c$: & super totam $a b$, cōstituo triangulum æquilaterum $a b d$, ac tandē extraho ex puncto c , lineam $c d$, hanc dico esse perpendicularem ad lineam $a b$. Sunt enim duo trianguli $a c d$, & $b c d$: & quia duo latera $a c$, & $c d$ unius, sunt æqualia lateribus $c b$, & $c d$ alterius, & basis $a d$, basi $b d$, erit per. 8. angulus $a c d$, æqualis angulo $b c d$. Quare uterq; eorum erit rectus. Cū enim recta linea super rectā consistens angulos utraq; parte æquales fecerit, uterq; æqualium angulorum rectus est, & linea, quæ super altera cōsistit, est perpendicularis. Quare linea $c d$, ad lineam $a b$ erit perpendicularis.

Explicatio.

Demonstratio colligit lineam $c d$, esse perpendicularem, & angulos $a c d$, & $b c d$, esse rectos, duabus rationibus. Prima concludit præfatos angulos esse pares.

Quorum triangulorum latera sunt æqualia, & Ex. 8. præ.
basis basi æqualis, anguli æquis lateribus contenti sunt æquales.

Sed latera $a c$, & $c d$ sunt æqualia lateribus $c b$ Sunt hypo
& $c d$, & basis $a d$, basi $b d$. the.

Ergo anguli $a c d$, & $b c d$, erunt æquales: nam continentur æquis lateribus.

Secunda concludit prædictos angulos esse re-

Angulus, & lineam c d esse perpendicularem, in hunc modum.

Cum recta linea super recta consistens utrobique angulos aequales fecerit, uterque illorum angulorum est rectus, & linea, quae super altera cadit est perpendicularis.

Ex praecedentibus.

At linea c d, efficit aequales angulos. Ergo & perpendicularis est, & anguli, quos constituit, sunt recti.

Theorema decimum. 13. primi.

Cum recta linea super recta consistens, angulos fecerit, aut duos rectos, aut duobus rectis, pares efficiet.



Super rectam c d, cadat linea a b, quae si fuerit perpendicularis, faciet duos angulos rectos per conversionem diffinitionis lineae perpendicularis. Si autem non sit perpendicularis, ducatur à puncto b perpendicularis, per. 11. b e, eruntque duo anguli e b c, & e b d recti per eandem conversionem. Iam cum duo anguli d b a, & a b e sint pares angulo d b e, ipsi cum angulo c b e, erunt aequales duobus rectis. Quare tres anguli d b a, a b e, & c b e pares sunt duobus rectis.

Sed angulus c b a, est aequalis duobus angulis c b e, e b a, ergo duo anguli c b a, & a b d, sunt aequales duobus rectis. Hinc fit totum spacium, quod circumstat punctum quod vis in superficie plana.

plana, quatuor rectis angulis esse equale.

Explicatio.

Demōstrationis prior pars explicatione nō eget. Altera eius pars concludit angulos $c b a$, & $d b a$, esse pares duobus rectis his rationibus. Prima colligit, ducta linea perpendiculari $b e$, angulos $c b e$, & $e b d$ esse rectos.

Cū recta super rectam consistens, angulos fecerit adinuicem æquales, uterq; illorum angulorū est rectus.

Sed anguli propositi fiunt à linea $b e$ ad perpendiculariculum ducta.

Igitur sunt anguli recti.

Altera colligit angulos rectos $c b e$, & $e b d$ pares esse angulis tribus $e b a$, $a b d$, & $b c$ in hunc modū.

Si æqualibus addantur æqualia, aut idem commune, quæ reliquantur sunt æqualia,

Sed anguli duo $e b a$, $a b d$, æquales sunt angulo $e b d$: nam partes æquales sunt toti,

Ergo si utrisq; addamus angulum communem $c b e$, duo anguli $c b e$, & $e b d$, pares erunt tribus angulis $e b a$, $a b d$, & $b c$.

Tertia ostendit angulos $c b a$, $a b d$, æquales esse angulis $c b e$, & $e b a$, $a b d$, æquales esse simili argumento.

Si æqualibus addantur æqualia, aut idem commune, quæ reliquantur sunt æqualia,

Sed angulus $c b a$ æqualis est angulis $c b e$, & $e b a$,

G S totum

Ex diffinitione recti angu.

Hypothesi.

Ex 2. axiōmate.

Ex 9. axiōmate.

Ex 2. axiōmate.

Ex 9. axiōmate.

E L E M E N T A

totum enim æquale est partibus.

Igitur si utrisq; addamus communem angulum $a b d$, anguli $c b a$, $a b d$ æquales erunt tribus angulis $c b e$, $e b a$, $a b d$.

Quarta colligit quod demonstrandum erat, angulos $c b a$, $a b d$, esse pares duobus rectis.

Ex ratio. Quæ eidem sunt æqualia, sunt inter se æqualia.

Ex præcedentibus. Sed anguli $c b a$, $a b d$, sunt pares tribus $c b e$, $e b a$, $a b d$, & eisdem tribus æquales sunt anguli $c b e$, $e b d$.

Ergo anguli $c b a$, $a b d$, pares erunt angulis $c b e$, $e b d$. Quare cum hi recti sint, pares illi erunt duobus rectis.

Theorema undecimū. 15. primi.

Omniū duarum linearum se inuicem secantium, omnes anguli contra se positi sunt æquales.



Sint due lineæ $a b$, & $c d$, se inuicem secantes in puncto e , angulus $d e b$ par erit angulo $a e c$, & angulus $c e b$ angulo $a e d$. Erunt enim per. 13. duo anguli $a e c$, & $c e b$ æquales duobus rectis. Itemq; anguli $c e b$, & $d e b$ erunt per eandem pares duobus rectis. Quare cum omnes anguli recti sint, æquales, priores posterioribus pares erunt. Si igitur aufe-

ramus

ramus communem angulum $c e b$, erit angulus $a e c$ equalis angulo $d e b$. Eodem modo reliqui oppositi ostendentur æquales.

Explicatio.

Demonstratio cōcludit angulos $d e b$, & $a e c$, oppositos esse pares duabus rationibus. Prima colligit angulos $a e c$, & $c e b$, itemq; angulos $c e b$, & $d e b$, esse pares duobus rectis, ac proinde inter se æquales ad hunc modum.

Recta linea super rectam consistēs, angulos efficit rectos, aut pares, duobus rectis, sed priores sunt ex linea $e c$, super rectam $a b$ cadente, posteriores ex linea $e b$, super rectam $d c$, Ex 13.
Hypothe.

Ergo utriq; pares erunt duobus rectis, unde fit ut sint priores posterioribus æquales, nam per postulatum. 4. omnes recti sunt æquales.

Secunda concludit quod propositū est, hoc patet: si ab æqualibus auferantur æqualia, uel idem commune, quæ relinquuntur sunt æqualia. Ex 3. axio
mate.

Sed anguli $a e c$, & $c e b$, pares sunt angulis $c e b$, & $d e b$, Ex præcedenti.

Ergo si ab ijs auferamus communem angulū $c e b$, qui relinquuntur erunt æquales, $a e c$, & $d e b$. Simili argumento ostendentur æquales $c e b$, $a e d$, oppositi.

Theorema duodecimum.

16. primi.

Omnia

ELEMENTA

*Omnis trianguli vno latere pro-
ducto, exterior angulus verous in-
teriori & opposito maior est.*



Protrahatur triāguli abc latus usq; ad d , an-
gulus dbc , maior est angulo bac , & bca . Diui-
dam enim per 10. lineam cb , per equalia in pun-
cto c : & protraham ae , usq; ad f , ut sit ef , equa-
lis ae . Protraham quoq; lineam bf , intelliguntur
duo triangula, cea , & bef . & quia duo latera a
 e , & ec , trianguli aec sunt equalia duobus late-
ribus fe , & eb , trianguli feb , & angulus e , unius
equalis est angulo e alterius per præmissam, sunt
enim anguli oppositi, erit per. 4. angulus eca ,
equalis angulo ebf , unde fit, angulum ebd , ma-
iorem esse angulo bca . Simili argumento proba-
bitur idem angulus ebd , maior esse cab ,

Explicatio.

Demonstratio ostēdit angulū dbc , maiorē esse
angulo bca , hac sola ratione: Quorūcūq; trian-
gulorum duo latera unius sunt equalia duobus late-
ribus alterius, & anguli his equis lateribus contē-
ti equales, erit basis basi equalis, & totus triāgu-
lus toti triāgulo equalis. Sed latera ae , & ec ,
trianguli aec , sunt equalia duobus lateribus fe ,
& eb , trianguli feb , & angulus e , unius equa-
lis angulo e alterius, cum sint contra se positi. Er-

go angulus $e c a$, æqualis erit angulo $e b f$. Quare cum angulus $c b d$, maior sit angulo $e b f$, est enim pars illius, maior quoq; erit angulo $e c a$, quod demonstrandum fuerat.

Theorema decimum tertium

18. primi.

*Omnis trianguli longius latus,
maiori angulo appositum est.*

Sit in triângulo $a b c$, angulus a , maior angulo c , latus $c b$, maius erit latere $a b$. Si enim sit æquale, erit per 5. angulus a , æqualis angulo c , quod est contra hypothesim. Si autem $a b$, sit maius fiat æquale per, 3. sitq; $d b$, æquale $c b$. Erit ergo per. 5. angulus $d c b$, æqualis angulo $b d c$. Sed $b d c$ est maior angulo $b a c$, per. 16. ergo $b c d$ est maior $b a c$, Quare erit etiam maior angulo $a c b$. Fiet itaq; ut pars sit maior toto. quod cum fieri nequeat, sequitur verum esse quod fuerat demonstrandum.



Explicatio.

Demonstratio concludit, cum sit angulus a maior angulo c , latus $b c$, maius esse latere $a b$. Hoc argumento.

Aut est æquale, aut minus Sed nec æquale, nec minus: igitur maius erit. non esse æquale ostenditur adhuc modum.

Angu

E L E M E N T A

Ex. 5. Anguli, qui sunt super basim isoscelis, sunt æquales.

Sed a , & c , sunt anguli, supra basim isoscelis positi.

Igitur erunt æquales.

Non esse autem latus $a b$ maius latere $c b$, his rationibus colligit. Prima concludit angulum $d c b$, æqualem esse angulo $b d c$, eodem modo quo & præcedens.

Secunda concludit angulum $b d c$, maiorem esse angulo $b a c$, ad hunc modum,

Ex. 16. Omnis triāguli angulus externus maior est utrovis interno opposito,

Sed $b d c$, est externus angulus trianguli $d a c$,

Ergo angulus $b d c$, est maior angulo opposito $b a c$.

Tertia colligit incommodum & impossibile, partem maiorem esse toto.

Axioma. Quod est maius maiore, maius est minore.

Ex præ. Sed angulus $b d e$, est maior angulo $b a c$, angulo autem $b d e$ par est angulus $b c d$.

Igitur angulus $b c d$ maior erit angulo $b a c$: at angulus $b a c$ maior esse ponebatur angulo $b c a$: fiet igitur, ut angulus $b c d$ maior sit angulo $b c a$, cuius est pars, quod est impossibile.

Theorema decimumquartum 19. primi.

Omnis

*Omnis trianguli maior angulus
maiori lateri oppositus est.*

Sit triangulum abc , cuius angulus a sit maior
angulo e , latus ac maius erit latere ab . Nam
si non sit maius, aut æquale erit, aut minus: at neu-
trum esse potest. Primum æquale non erit, fieret
enim ut anguli a & c essent æquales, cum sint ad ba
sim Isoscelis, per quintam. Quod est contra hypo-
thesim. Minus quoque esse non potest, esset enim an-
gulus c minor angulo a , per præcedentem. Qua-
re relinquitur, latus bc maius esse latere ab .

Demonstratio facilior est, quam ut explicatio-
ne ceat.

Theorema decimumquintum,
27. primi.

*Si recta linea super duas rectas
cecidit, duosque angulos sibi inuicem
æquales fecerit, recta illa linea erit
equidistans.*




Linea ab cadat super duas lineas c & d ,
& e & f , & secet lineam c & d in puncto g , &
lineam e & f , in puncto h , sintque anguli dgh ,
 $\angle e h g$

E L E M E N T A

$\angle e h g$ aequales, dico lineas $c d$, & $e f$, esse aequidistantes Nam si non sint, concurrant ergo ad $d f$, in puncto l , fiet triangulum $l g h$, cuius g est angulus externus, qui cum positus sit aequalis esse angulo h coalterno, tam intrinseco, quam extrinseco, accidit, ut exterior angulus triaguli par sit interno opposito, quod repugnat decimosexto Theoremati.

In hoc quoq; nulla desideratur explicatio.

Theorema decimum sextum, 29. primi.

Si duabus lineis aequidistantibus

 linea supervenerit, duo anguli coalterni aequales erunt, angulusq; extrinsecus angulo intrinseco sibi opposito aequalis, itēq; duo anguli intrinseci ex alterutra parte constituti duobus rectis angulis aequales.

Explicatio.

Demonstratio multis partibus continetur. Prima concludit angulos g , & h coalternos, esse aequales argumento ducente ad incommodum.

Si angulus $b g h$ non est aequalis angulo $c h g$, aliter eorū erit maior. Sit ergo maior angulus $c h g$.

Cum duo

Cum duo anguli chg , & ghd sint æquales duobus rectis. Ergo per. 15. propositionē duo anguli bgh & dhg erunt minores duobus rectis. Ergo per 4. petitionem duæ lineæ ab , & cd , si protrahantur, concurrent uersus partem b & d , in puncto aliquo, K . Quare non erunt æquidistantes, quod cum sit contra propositum, posuimus enim esse æquidistantes, relinquitur propositos angulos coalternos bgh & chg esse æquales.

Secunda pars monstrat angulum g extrinsecum æqualem esse angulo h intrinseco sibi opposito, & ex eadem parte sumpto, hac ratione:

Angulus bgh æqualis est angulo age , Ergo Per. 15. angulus age extrinsecus æqualis est angulo chg intrinseco per primam communem sententiam.

Tertia pars concludit angulos g & h intrinsecos & ex eadē parte sumptos esse æquales duobus rectis, ad hunc modum,

Duo anguli age , & agh , sunt æquales duobus Per. 13. rectis,

Sed angulus chg par est angulo age . Ergo Per præc. duo anguli agh , & chg erunt æquales duobus rectis.

Theorema decimumseptimū. 32.

primi. Ab Arist. sumitur. 37.

cap. primi Priorum.

H Omnis



Omnis trianguli angulus extrinsecus duobus intrinsecis sibi oppositis est equalis. Omnes autem tres angulos eius, duobus rectis angulis equos esse necesse est,

Explicatio.

Demonstratio in primis concludit in proposita figura angulum c extrinsecum equalem esse duobus angulis intrinsecis a b simul iunctis, hoc argumento: Protracta linea c f equidistanti lineæ ab per. 31. angulus totus c diuisus est in duos f c a, & f c d. Iam sic colligo,

Per. 19. Angulus f c a est equalis angulo a, & angulus f c d extrinsecus est equalis angulo b intrinseco,
Per eandē.

Ergo totus angulus a c d extrinsecus equalis est duobus illis intrinsecis & oppositis, a b.

Secunda pars demonstrationis concludit, tres angulos a b c simul iunctos, equales esse duobus rectis hoc argumento,

Per præce. Duo anguli a b c, & a c d sunt equales tribus angulis trianguli a b c,

Per. 13. Sed duo anguli a c b, & a c d sunt equales duobus rectis,

Ergo tres anguli a b c erunt equales duobus rectis.

Theorema

Theorema decimum octauum
ex præcedente deductū. Ab
Arist. sumptū. 20. ca. 1. Post.

*Omnis figura recti lineæ anguli
omnes externi pares sunt quatuor
rectis.*

Ex præcedenti colligitur omnis figura polygo-
niæ oēs angulos internos tot rectis bis esse æqua-
les, quot habet angulos, dēptis inde quatuor. Vt exē-
pli gratia, quadrati omnes anguli interni bis tot re-
ctis sunt æquales, quot cōtinet angulos, dēptis inde
quatuor. Cū enim omnis figura polygonia in tot
triāgulos diuidi possit, quot habet angulos, ductis
lineis à puncto medio ad singulos angulos, quadra-
tum disoluetur in quatuor triāgula. Et quia omne
triangulū habet angulos pares duobus rectis, fiunt
octo anguli recti, qui numerus duplex est ad angu-
los quadrati. Quadratū ergo tot habet angulos re-
ctos, scilicet octo, dēptis tamē inde illis angulis, qui
punctū mediū circunstant, qui nō pertinet ad qua-
dratum. At anguli punctū mediū circunstantes qua-
tuor sunt, ut cōstat ex. 13. Quadratū ergo tot ha-
bet angulos rectos internos, quot cōtinet angulos,
demptis inde quatuor. Ex ijs Theorema propositū
facile cōcluditur ad hunc modū, Omnis figura po- Per. 13.
lygoniæ omnes anguli interni, & externi bis tot

H y rectis

rectis sunt æquales, quot habet internos angulos,

Interni autē bis tot rectis sunt æquales, quot habet angulos, dēptis inde quatuor, Ergo necesse est externos, illis quatuor rectis esse pares.

Theorema decimumnonum, quo
vſuseſt Ariſt.ca.19.2.Prio.

Si angulus interior ſit maior exteriori, aut anguli triāguli ſint maiores duobus rectis, ex neceſſitate efficitur, lineas æquidiſtātes cōcurrere.

Prima pars Theorematis cōcluditur ex Theoremate. 17, in eadē propoſita figura, ijs rationibus:

Per. 15. Prima, angulus chg interior maior eſt angulo age externo, Sed angulus age par eſt angulo bgh , ergo angulus chg maior eſt angulo bgh .

Ex præcedentibus. Secunda ratio, Angulus chg maior eſt angulo bgh . Sed anguli chg , & dhg ſunt pares duobus rectis: ergo anguli bgh , & dhg minores ſunt duobus rectis.

Ex præcedentibus. Tertia ratio, Anguli dhg , & bgh ſunt minores duobus rectis: ergo lineæ ab , & cd , quæ poſitæ ſunt æquidiſtātes, concurrēt, per quartā petitionē.

Secunda pars Theorematis concluditur ijs rationibus, quæ ex. 18. Theoremate uim accipiunt.

Per. 17. Prima, Angulus gab exterior par eſt duobus
Per. 16, internis oppoſitis abf , & bfa : ſed fab æqualis eſt

est $a b d$. Igitur tres anguli interni trianguli pares sunt duobus angulis $g a b$, & $a b d$.

Secunda ratio, Tres angulis trianguli sunt maiores duobus rectis, ut ponitur, Sed $g a b$, & $a b d$ pares sunt illis tribus, Igitur $g a b$, & $a b d$ maiores erunt duobus rectis.

Per præc.
Per. 15.

Tertia ratio, Quatuor anguli $g a b$, $b c a$, $a b d$, & $a b e$ sunt pares quatuor rectis, Si igitur abijscemus duos angulos $g a b$, & $a b d$, qui sunt maiores duobus rectis, anguli, qui relinquuntur ex eadē parte $b a c$, & $a b e$ erūt minores duobus rectis.


Postrema ratio, Anguli qui sunt ex eadem parte $b a c$, & $a b e$ sunt minores duobus rectis: ergo per quartum postulātū necesse est lineas $g c$, & $d e$ parallelas concurrere. Quare si anguli trianguli maiores sint duobus rectis, efficitur planē lineas æquidistantes tandem concurrere.

Theorema vigesimum. 30. tertij
elemētōrū, quo utitur Arist.
ca. 11. 2. libri Posterioro.

Si rectilineus angulus in semicirculo supra arcū consistit, rectus est.

Explicatio.

Demonstratio probat angulum $a b c$ rectilineū qui fit in circumferentia semicirculi, rectum esse ijs rationibus.



Per. 5. Pri. Prima ratio, ducta linea in centrum $b d$, sic ne-
stat, Anguli qui sunt ad basim isoscelis, sunt æ-
quales, Anguli $a b d$, & a sunt supra basim trian-
guli isoscelis $a b d$: ergo anguli a , & $a b d$ sunt æ-
quales.

Secunda ratio monstrat angulos $d b c$, & c , trian-
guli isoscelis $d b c$, esse æquales, eodem modo.

Per. 32. pr. Tertia ratio, Angulus $c d b$, cum sit exterior, est
æqualis duobus internis oppositis $d b a$, & a , Sed
anguli $d b a$, & a , sunt æquales: ergo angulus $c d b$
duplus erit ad angulum $d b a$. Et eadem ratione
probabitur angulum $a d b$ duplum esse ad angu-
lum $d b c$.

Per præce. Quarta ratio, Angulus $c d b$ est duplus ad an-
gulum $a b d$, & angulus $a d b$ est duplus $d b c$, Ergo
duo anguli $c d b$, & $a d b$ simul sumpti dupli sunt
ad totalem angulum semicirculi $a b c$, ac proinde
totalis angulus $a b c$ est dimidium illorū duorum.

Per præce. Quinta ratio, Totalis angulus $a b c$ est dimidiū
duorum angulorum $e d b$, & $a d b$, Sed illi anguli
Per. 13. pr. sunt pares duobus rectis: ergo totalis angulus $a b c$
semicirculi est dimidium duorum rectorum.


Per se no. Postrema ratio, Omnis angulus, qui est dimidiū
duorum rectorum, est angulus rectus: Sed angulus

Per præce. semicirculi $a b c$ est dimidium duorum rectorū: er-
go angulus $a b c$ semicirculi supra arcum consi-
stens, rectus est.

Theorema vigesimum primum

94. decimi, quo vsus est Aristoteles. 22. cap. primi Prior.

Demonstratio ostendit diametrum $a b$ esse incommensurabile lateri $a c$ ductu ad incommodum. Incommodum autem est, parem numerum eundem esse cum impari. Conflatur autem ex multis rationibus.



Prima, Cömensurabiles magnitudines eandem Per deci. habent rationem, quam numerus ad numerum, $a b$, & $a c$ sunt commensurabiles, Ergo eandem habent proportionem, quam numerus ad numerum. Sit ergo proportio $a c$ ad $a b$, qualis est $f e$ ad g , qui sunt minimi in sua proportione.

Secunda ratio, Quod est $a c$ ad $a b$, id est $f e$ ad g . Sed $a c$ est maior $a b$: ergo $e f$ erit maior g , quare $e f$ non potest esse unitas, erit igitur numerus.

Tertia ratio, Sicut $a c$ ad $a b$, ita $e f$ ad g : ergo Per 15. sicut quadratum, quod ex $a c$, ad id quod est ex $a b$, quinti. ita quadratum $e f$ ad quadratum g . At quadratum $a c$ est duplum ad quadratum $a b$: ergo quadratum $e f$ erit duplum ad quadratum g . Per. 47. primi.

Quarta ratio, Quadratum $e f$ est duplum ad quadratum g : ergo quadratum $e f$ numerus est par: quare & $e f$ erit numerus par. Si enim impar esset, & quod ex eo fit quadratū impar esset per uigesimum nonum noni.

Quinta ratio, Numeri minimi in sua proportio Per. 24. ne, primi sunt ad inuicem, $e f$ & g sunt numeri minimi, sept.

E L E M E N T A

mi, ergo erunt primi. Et e f est par, ut ostendimus, Igitur g impar. Nam si par esset non essent primi, metiretur enim eos binarius. Secetur iam per. 10. primi e f bifariam in h, hoc posito sit sexta ratio. Numerus e f est duplus ad e h eius dimidium: Er=.

**Per. 47.
primi.**

go quadratum ex e f quadruplum erit ad quadratum ex e h, cum quadratum ex e f sit duplum ad e f.

Septima ratio, Quadratum ex e f quadruplum est ad quadratum e h, At quadratum ex e ferat duplum ad quadratum ex g, Ergo quadratum ex g erit duplum ad quadratum ex e h. Si enim octonarius quadruplus est ad binarium, & duplus ad quaternarium, certe quaternarius duplus erit ad binarium.

Postrema ratio.

Pe. 29. no.

Quadratum g duplum est ad e h, est igitur par, quare & ipse g numerus erit par. Nam si impar esset, quadratum eius esset impar. At positum est g esse numerum imparē, idem ergo numerus erit par & impar.

Quare si diameter sit lateri commensurabilis, ex necessitate efficitur eundem numerum esse parē & imparem. Quod cum sit impossibile, relinquatur, diametrum incommensurabilem esse lateri.

F I N I S.

